

冊
府
元
龜



新刊監本冊府元龜卷之七百八十

總錄部三十

博識

夫好古博雅多識前言斯可以謂之君子矣三代而下
蓋不乏其人焉至乃明休咎之庶徵達典經之格訓
究鬼神之幽顯練方策之故實識官族之源派詳地
志之本末隨問能辯此撞鍾之善應發機迎解同炙
輟之無滯非夫強學以立志多問而求益聰明博達
性理冲奧者其孰與於此乎

周惠王內史過為中大夫十五年有神降于莘

降下也
言自上

而下有聲家以王問於內史過

過其名掌爵祿廢置
及策命諸侯卿大夫曰是何

接人也莘號也

故固有之乎故事對曰有之國將興其君齊明裏正齊一

精潔惠和其德足以昭其馨香惠愛也馨香芳馨之升聞者也其惠足以

同其民人一同神饗而民聽民神無怨故明神降之觀其

政德而均布福焉國之將亡其君貪冒群邪冒抵淫泆

荒怠麤穢暴虐其政腥臊馨香不登腥臊臭惡登上也芳馨不上聞於神

神不享也傳曰黍稷非馨明德惟馨其刑矯誣百姓携貳携離明神弗蠲蠲絜而

民有遠至也欲叛民神怨痛無所依懷故神亦往焉觀其苛

慝而降之禍是以或見神以興亦或以亡昔夏之興也融

降子崇山融祝融崇高山夏君陽城崇高所也其亡也回祿信于聆遂回祿

為宿信聆遂地名商之興也禱机决於本山禱机絲也過信曰决本人邱山在河東其亡

也夷羊在牧夷羊神獸牧商郊野周之興也鸞鷲鳴於岐山鸞鷲

別名詩云鳳凰鳴矣于彼高岡其在岐山之脊乎其衰也杜伯射王於鎬鎬京也杜國

之後周春秋曰宣王殺杜伯不辜後三年宣王會諸侯田于囿中杜伯起於道左衣朱道冠操朱弓矢射宣王中心拆脊而死

也是皆明神之志者也志記謂記錄王曰今是何神也對曰

昔昭王娶於房曰房后昭王瑕周成王之孫康王之子房國名也實有爽德協於

丹朱爽貳協和丹朱憑身以儀之生穆王焉憑依也儀匹

我儀言房后之行有似丹朱丹朱憑依其身而匹偶之生穆王焉由是觀之其丹朱乎王曰

其誰受之對曰在虢土言神在虢臣聞之道而得神是謂

逢福逢迎淫而得神是謂貪禍以貪取禍今虢少荒其亡乎王

曰吾其若之何對曰使太宰以祝史帥狸姓奉犧牲棗

盛玉帛往獻焉太宰太卿掌祭祀之式玉幣之事祝太祝掌

不散非類故即帥無有祈也勿有求禮王曰虢其幾何對

曰昔堯臨民以五五年一由是觀之不過五年王使太守

己父周公帥傅氏友祝史在周為傅氏也奉犧牲玉鬯往獻

焉玉鬯酒之圭長尺二寸內史過從至虢從太宰往內

其聽之虢公亦使祝史請士焉祝史虢之祝內使過歸告

王曰虢必亡矣不禋於神而求福焉神必禍之日繫神不親

於民而求用焉民必違之用其精意以承禋獻慈保庶民

親也慈愛今虢公動匱百姓以逞其違違違快離民怒神而

求利焉不亦難乎求利謂十九年晉取虢左傳魯莊三十二

于莘惠王問諸內史過曰是何故也對曰國之將興明神降之監其

德也將亡神又監之觀其惡也故有得神以興亦有以亡虞夏商周

皆有一之王曰若有之何對曰物享焉其至之曰辦其物也王從之

內史過往聞虢請命虢必往矣雲而聽於神神居莘六月虢公使

祝應宗區史囂享焉神賜之土田囂曰虢其亡乎吾聞之國將興聽

於神將亡聽於神聰明正直而辯者也依人而行虢多涼德其何土

得之能士弱晉大夫也魯襄公九年宋災樂為喜政知有火

災素戒為備晉使問於士弱弱士屋濁之曰吾聞之宋災

於是乎知有天道何故問宋何故自對曰古之火正或食

於心或食於火以出內火是故味為鶉火心為大火謂火

火官配食於火星建辰之月鶉火星昏在南方具今氏放火

建戌之月火星伏在日下夜不得見則令民內火禁外火

陶唐氏之火正閔伯居商丘陶唐堯有天下閔伯于商丘

辰辰大火也今為宋也祀大火而火紀時焉謂出內相土因

之故商主大火相土契孫商之祖也始代商人閱其禍敗之

繫必始於火是以曰知其有天道也閱猶數也商人數所

殷商之後故知天道公曰可必乎對曰在道國亂無象不

可知也言國無道則災變子產鄭大夫也魯昭公元年六

月晉平公有疾鄭伯使公孫僑如晉聘且問疾叔向問焉

曰寡君之疾病卜人曰實沉臺駘為崇史莫之知敢問此

何神也子產曰昔高莘氏有二子伯曰闕伯季曰實沈

帝居於曠林不相能也曠林地闕曰尋干戈以相征討尋用后

帝不臧后帝堯也臧善也遷闕伯于商丘生辰商丘宋地主祀

人是因故辰為商星商人易先相土封商丘遷實沉于大夏

主參大夏今唐縣唐人是因以服事夏商唐人若劉累之等累

其季世曰唐叔虞唐人之季世當武王邑姜方震大叔姜

武王后齊太公之女懷昭為震太叔武王之弟叔虞夢帝謂己余命而子曰虞帝天取唐君之名

將興之唐屬諸參而蕃育其子孫及生有文在其子曰虞

遂以命之及成王滅唐而封太叔焉故參為晉叔虞封唐是為晉侯

由是觀之則實沉參神也昔金天氏有裔子曰昧為玄冥

師生允臺駘金天氏帝少辛商處也玄臺駘能業其呂募

業宣汾洮宣猶通也汾水名大澤陂障之以處太原太原晉陽也

帝用嘉之封諸汾川帝顓頊沈妣蓐黃實守其祀四國臺駘之後今

晉王汾而滅之矣滅四國也由是觀之則臺駘汾神也抑此二

者不及君身山川之神則水旱癘疫之災於是乎崇之

旱之灾則崇祭山川之神若臺駘者周禮日月星辰之神則

四日崇祭為營攬用幣以祈福祥雪霜風雨之不時於是乎崇之

星辰之神若君身則亦出入飲食哀樂之事也山川星辰之神又何為焉言實沉臺駘不為君

疾七年三月子產聘於晉侯有疾韓宣子逆客私焉私語

曰寡君寢疾於今三月矣並走群星晉所望祀山川皆走往祀禱有加

有

而無瘳今夢黃熊入於寢門其何厲鬼也對曰以君之明

子為大政其何厲之有昔堯殛鯀於羽山羽山在東海其杭箕縣西南

神化為黃熊以入于羽澗實為夏郊三代祀之家郊祭之

歷殷周二代亦適在晉為明主其或者未之祀乎言周衰

主得做天子韓子祀夏郊祀鯀晉侯有開開差鄭伯既殺

伯有是後鄭人相驚以伯有曰伯有至矣則皆走不知所

往言其或夢伯有介而行也甲曰壬子余將殺帶也馬帶

哲殺伯有壬子明年壬寅余又將叔段也公孫段豐氏黨壬寅比年正月二十

八及壬子駟帶卒國人益懼齊燕平六月比年壬寅公孫

段卒國人愈懼其明月子產立公孫洩及良止以撫之乃

止公孫洩子孔之子也襄十九年鄭殺子孔子太叔問其故

子產曰鬼有所歸乃不為厲吾為之歸也太叔曰公孫洩

何為子孔不為厲問子產曰說也為身無義而圓說伯有

以鬼故立之恐感民並立洩使若自從政有所反之以取媚

也或民不可使知之故治政不媚不信說而後不信民不從

也及子產過晉趙景子問焉景子晉中曰伯有猶能為鬼

乎子產曰能人生始化曰魄魄形既生曰魄陽曰魂陽神

用物精多則魂魄強物權是以有精爽至於神明爽明匹

夫匹婦強死其魂猶能憑依於人以為淫厲強死不病史

身婦賤况良霄我先君穆公之胄子良之孫子耳之子厥邑

之卿從政三世矣鄭雖無腴厚抑諺曰蕞爾國蕞小而三

世執其政柄用其物也弘矣其取精也多矣其族又大所

馮厚也良霄魂魄所而強死能為鬼不亦宜乎傳言子產

申豐魯大夫也昭公四年大雨雹季武子問於申豐曰雹

可禦乎禦止也對曰聖人在上無雹雖有不為灾古者日在

北陸而藏冰陸道也謂夏十二月日西陸朝黷而出之謂夏

日在昴畢蟄虫出而用水其藏冰也深山窮谷固陰沍寒於

是乎取之沍閉也必取精陰之冰道其出之也朝之祿位

賓食喪祭於是乎用之言奉獨其藏之也黑牡秬黍以享

司寒黑牡黑牲也秬黑黍神故物其出之也桃弧棘矢以除

其灾桃弓棘箭所以並除其出入也時食肉之祿冰皆與焉

食肉之祿謂在朝廷大夫命婦喪祭用冰命婦大夫祭寒而

藏之享司寒獻羔而啓之謂春分月獻羔祭公如用之優尊

火出而畢賦謂火星昏見東方自命夫命婦至於老疾無不

求冰老致仕者山人取之縣人傳之山人虞官輿人納之隸

人藏之輿隸官自夫冰以風藏冰自風而以風出順春風其

藏之也周密其用之也遍以老疾則冬無愆陽愆過也

夏無伏陰伏陰夏寒春無淒風淒涼秋無苦雨霖雨為人雷出

不震震霆也無灾霜雹厲疾不降厲疾民不夭札短死為札

藏川池之水棄而不用既不藏深山窮谷之水又風不越而

殺雷不發而震越散也陰陽雹之為雷誰能禦之七月之

卒章藏冰之道也

鄭子來朝魯公與之宴昭子問焉曰少皞氏鳥名官何故

也少皞金天氏黃帝之子已姓鄭子曰吾祖也我知之昔者

皇帝氏以雲紀故為雲師而雲名黃帝軒轅氏嬴姓之祖也

紀事百官師長皆以雲為黃帝受命百雲瑞故以雲

名炎帝神農氏姜姓之祖也炎帝氏以火紀故為火師而火

明亦有火瑞以紀事名百姓共工氏以水紀故為水師而水

師而龍名大皞伏羲氏風姓之祖也我高祖少皞執手之立也

鳳鳥適至故紀於鳥為鳥師而鳥名鳳鳥氏歷正也鳳鳥

也時故以名玄鳥司分者也玄鳥燕也以春伯趙氏司至者

也歷正之官青鳥氏司啓者也青鳥也以立丹鳥氏

司聞者也丹鳥鷲雉也以立秋來立冬去入大祝鳩氏司徒也

故祝鳩鷓鴣也鷓鴣孝鳴鳩氏司馬也鳴鳩王雉也鷲而有有

鳩氏司空也鳩鳩鷓鴣均故爽鳩氏司寇也爽鳩鷹也故為

鵲鳩氏司事也鵲鳩鷓鴣也春未五鳩鳩民者也鳩聚也治

以鳩為名五鳩為五工正五鳩鳩有五種西方曰鷓鴣鳩東

南曰南曰利器用正度量夷民者也夷平九扈為九農正扈九

春春扈鳩鷓鴣夏扈竊玄秋扈竊藍冬扈竊黃棘扈竊丹行扈音

宜宜以教扈無淫者也扈止也止民自顓頊以來不能紀遠乃

紀於近為民師而命以民事則不能故也顓頊代瑞而以德

仲尼聞之見於郊子而學之於是仲尼既而告人曰吾聞

之天子失官學在四夷猶信失官官不修其職也

昭子魯大夫也昭公十七年夏六月甲戌朔日有食之祝

史請所用幣凡正陽之日日食當昭子曰日有食之天子

不舉不舉代鼓於社責群諸侯用幣於社請上伐鼓於朝

過自禮也平子禦之禦禁曰止惟正月朔慝未作日有食

之於是乎有伐鼓用幣禮也其餘則否太史曰在此月也

正月謂建巳正陽之月也於周為六月於夏為四月匿慝氣也四月純陽用事陰氣未動而侵陽災重故有伐鼓用幣之禮也

平子以為六月非正月也曰過分而為至過春分而求夏至三辰有災

三辰日月星也日月相侵而於三辰皆有災於是乎百官降物降物素服凡不舉

辟移時辟主寢日食時過樂奏鼓伐祝用幣用幣于社史用幣于社史

用辭用辭以自責故夏書日不集於房逸書也集安也房舍也暨

奏鼓師暨樂師畜夫馳庶人走車馬曰馳此月朔之謂

也當夏四月是謂孟夏言此六月當夏家之四月平子弗從昭子退曰

夫子將有異志不君君矣按君之灾故有異志

游吉字大叔鄭大夫也魯昭公二十五年諸侯會于黃父

大叔見吾趙簡子簡子問揖讓周旋之禮焉對曰是儀也

非禮也簡子曰敢問何謂禮對曰吉也聞諸先大夫子產

曰夫禮天之經也經者道之常地之義也義者利之制民之行也

履所天地之經而民是則之則天之明日月星辰因地之性

高下剛柔生其六氣陰陽風雨晦明用其五行金木水火土氣為五味

酸鹹辛發為五色青黃赤白黑章為五聲宮商角徵羽淫則昏亂

民失其性滋味声色是故為禮以奉之制礼以奉其性為六畜牛馬

羊鷄五牲麋鹿五犧祭天地宗廟以奉五味為九文謂

龍華蟲雉大宗彝藻粉米黼黻也華若草葉藻水草火

火粉米若白米黼黻若兩色黼相屬傳曰大龍黼昭其文也

六采畫繪之事雜用天地四方之色青與白謂之章白與黑謂

五章以奉五色青與赤謂之文赤與白謂之章白與黑謂之黼黑與青謂之黻五色備謂之綠集此

五章以奉成 為九歌八風七音六律以奉五聲解見二十年 為

君臣上下以則地義君臣有尊卑法地有高下 為夫婦外內以經二物

夫治外婦治內各法其物 為公子兄弟姑姊甥舅婚媾姻婭以象天明

六親和睦以事嚴父君象星之北辰極也妻父曰婚重婚曰媾婿父曰姻兩婿相會曰婭 為政事庸力

行務以從四時力在君為政在臣為事君功曰庸臣功曰為

刑罰威獄使民畏忌以類其震曜殺戮雷震電曜聖之威也人作刑獄以象

類為溫慈和惠以效天下之生殖長育民有好惡喜怒哀

樂生于六氣此六者皆本陰陽風雨晦明之氣 是故審則宜類以制六志

為禮以制好惡喜怒哀樂六制使不過節 哀有哭泣樂有歌舞喜有施舍怒有

戰鬪喜生於好怒生於惡是故審行信令禍福賞罰以制

死生生好物也死惡物也好物樂也惡物哀也哀樂不失

乃能協于天地之性是以長久也協和 簡子曰甚哉禮之大

也對曰禮上下之紀天地之經緯也經緯錯居 民之所生

也是以先王尚之故人之能自曲直以赴禮者謂之成人

不亦宜乎曲直以弼其性 簡子曰鞅也請終身守此言也鞅能守此言故

終免於晉 觀射父楚大夫也昭王問昭王楚平王之 曰周書所謂重

黎實使天地不通者何也周書穆王之相南史所作呂刑也重黎顯頊之臣呂刑曰乃命

重黎絕地天通謂少皞之萬民臣雜不可方物顯頊受之命南正重司天以為神火正黎司地以屬民是謂絕地與

天相通 若無然民能登天乎若重黎不絕天地 對曰非此

之謂也古者民神不雜雜命與司民 司民之精爽不攜貳

者而又能齊肅衷正爽明攜雜貳二 肅其志能上下比義

宜義其聖能光遠宣朗聖通其明能光照之其聰能聽徹之

徹如是則明神降之降在男曰巫現在女曰巫禮男亦曰巫

是使制神之處位次主處居也位登位次而為之牲器時

服用也時服四時服也所宜也而後使先聖之後之有光

烈明而能知山川之號名號高祖之主高祖廟宗廟之事昭

穆之世秋昭等穆炎後之次春禮節之宜威儀之則忠信

之質誠禋絜之服日禋祀而敬恭神明者以為之祝祝大祝

使名姓之後能知四時之生名姓謂舊族若伯夷大帝之

屬犧牲之物玉帛之類采服之宜彝器之量量六彝器俎

次主之度度疏數屏攝之位周氏曰屏并也并擾主人之位

以分別尊卑為祭祀壇場之所日除地上下之神民姓之出

所自而巡率舊典者為之宗宗太宗伯掌於是乎有天地

神民類物之官是謂五官類物謂別善各司其序不相亂

也禍災不至所求不匱及少皞之衰也九黎亂德少皞黃

金天氏九黎民神雜揉不可方物同位故雜猛方夫人作

享家為巫史夫人人享祀也巫主接無有要質質民匱

于祀而不知其福言民困匱於祭神狎民則不蠲其為習狎

則法蠲絜也喜生不降無物以享禍災也荐臻莫盡其氣

其為所為也顛頊受之少皞氏沒顛乃命南正重司天以

屬神南陽正長也司王屬會也所以會群祭使命火正

黎司地以屬民唐尚書亡火常為北陰位使復舊常無相

侵瀆犯是為絕地天通絕地民與天其後三苗復九黎之

神相通之道

德其後高辛之季年三苗九黎之後高辛氏衰堯復育重

黎之後使復興之也長育也堯繼高辛氏平三苗之亂紹育

也其在周程伯休父其後也當宣王失其官守為司馬氏

程國伯爵休父名也失官守謂失天地之官而以諸侯為大司馬詩曰王謂尹氏命程伯休父是也寵神其

祖以取威于民曰重實上天黎實下地寵尊也言休父文

威耀其民言能奉上天黎遭世之亂而莫之能禦也亂謂

不禦以不然夫天地式而不變言天地休成何比之有不

比又楚子期祀平王子期楚平王之子結也祭以牛俎於

之致牛俎王問於觀射父曰祀牲何反王感俎肉而對曰

祀加于舉加增也奉人君天子舉以大牢以祀會大牢牛

會大牢本三者奚舉以特牛祀以大牢卿舉以少牢祀以

特牛少牢大夫舉以特牲祀以少牢特牲士食魚炙祀以

特牲庶人食采祀以魚上下有序民則下慢王曰其小大

何如對曰郊禘不過蚩粟角如蚩粟烝嘗不過把握把握

出王曰何其小也對曰夫神以精明臨民者也故求備物

不求豐大備物體其是以先王之祀也以一純二精一純

精而潔二三牲四時五色六律七事八種七事天地民四

九祭十日十二辰以致之九祭九州助祭十日月日祭也

辰以致百姓千品萬官億醜兆民經人咳數以奉之百姓

受民生也千品百姓有徹品十為千品五物之官陪萬萬為

萬官官有十醜天子之田九畝以食兆民王助經入以食

官毛以示物物血以告殺因故不接披取以獻具為齊故也

官毛以示物物血以告殺因故不接披取以獻具為齊故也

官毛以示物物血以告殺因故不接披取以獻具為齊故也

接誠於神披毛取血獻其備物也齊潔敬不可久民力不也詩云執其鸞刀以啓其毛取其血骨

堪故齊肅以承之肅疾承奉王曰芻豢幾何草養曰芻豢對曰遠

不過三月近不過浹日遠謂三牲近謂鷄王曰祀不以已

乎此對曰祀所以昭孝息民昭孝養使民蕃息撫國家定百姓也

不可以已夫民氣縱則底氣志氣縱底則滯滯久不振滯

振懼也言無祭祀則民無所畏忌無所畏底則滯滯久不振滯

神不降福也是用不從上令其生不殖不可以封封是以

古者先王曰祭月享時類歲祀於曾高時類於二祀歲祀

於壇諸侯舍日有月卿大夫舍月有時士庶人舍時歲乃

天子徧祀群神品物祭品物謂若八蜡所諸侯祀天地三辰

及其土之山川非二王後祭分野山川而已卿大夫祀

其祝禮所謂五祝及士庶人不過其祖祖王日月會于龍

龍龍尾謂周十二月夏令孟冬在尾日吐氣含收含收收縮萬

天明昌作昌盛作起也謂天氣百嘉備合嘉善也時物群

神頻行頻並也並國於是乎烝嘗家於是乎嘗祀烝冬祭

也月令孟冬大飲百姓夫婦擇其令辰十二奉其犧牲敬

其齊盛潔其糞除慎其采服裡其酒醴帥其子姓裡潔也

姓同也從其時享虔其祝宗祝主祀道其順辭以昭祀其

先祖肅肅濟濟如或臨之於是乎合其州鄉朋友婚姻比

爾兄弟親戚親會也於是乎弭其百苛彌其讒慝弭止也

覆也止覆謂合其嘉好結其親睦合結謂於此億其上下

以申固其姓上所以教民虔下所以事上也天子禘郊之

禮必自射其牲牲王后必自舂其粢粢器實也諸侯宗廟之事

必自射牛封羊擊豕封刺擊殺大夫必自舂其盛在器曰盛上言案下言盛

互其况其下之人誰敢不戰戰兢兢以事百神天子親舂

郊禘之盛即后春之王后親繅其服服祭服祭義夫人繅三盆則王后其一盆共周礼王

耕一發班三之自公而下至於庶人其誰莫不敢齊肅恭敬致力

於神民所以攝固也居之何其合之也如何廢之王曰所謂一

純二精七事者何也對曰聖王公端冕以監其不違心師

其群精物以臨享祀無有苛慝於神者謂之一純端冕

大冠監視也不違心為帛玉為二精明精天地民及四時

之務為七事王曰三事者何也對曰天事武乾体剛地事

文地質柔順故為民事忠信以忠信為行王曰所謂百姓千品

萬官億醜兆民經入咳數者何也對曰民之徹官百徹達也

以名達於上也王公之子弟之質能言能聽徹其官者質有

其官職也而物賜之姓以監其官是為百姓物事賜之以

姓官有世功則有官族有徹品十於王謂之千品謂一

職其寮屬徹於王者有十五官之物陪屬萬為萬官謂天

地神民類物之官也臣之臣為陪請有官有十醜為億醜

醜類也以十醜承萬為十萬十天子之田九咳以食兆民

九咳九州之內有咳數也食兆民王取經曰入焉以食萬官

經常入正稅

晏子名嬰為齊大夫景公舉將伐宋師過太山公夢見二

丈夫立而怒其怒甚盛公恐覺群門召占夢者至公曰今

行吾夢二丈夫立而怒不知其所言其怒甚盛吾猶見其
狀識其聲占夢者曰師過太山而不用事故太山之神怒
請召祝史祠乎太山則可公曰諾明日晏子朝見公告之
如占夢之言也公曰占夢之言師過太山而不用事故太
山之神怒今却使人召祝史晏子俯有間對曰占夢者不
識也此非太山之神也是宋之先湯於伊尹也公疑以為
太山之神晏子曰公疑之則嬰請言湯伊尹之質貌湯皙
以長顏以髯允上豐下倨身而揚聲公曰然是已伊尹黑
而短蓬而髯豐上允下倨身而下聲公曰然是已今若何
晏子曰夫湯太甲武丁祖乙天下之盛君也不宜無後今
惟宋耳矣而公伐之故湯伊尹怒請散師平乎宋景公不

用終伐宋晏子曰公伐無罪之國以怒神明不易行以續
菑進師以近過非嬰之所知也師若果進軍必有殃軍進
舍鼓毀將殪公乃辭乎晏子散師不果伐宋

魏管輅見平原太守劉邠邠曰此郡官舍連有變惟使人
恐怖其理何由輅曰或因漢末之亂兵馬擾攘軍口流血
汙染丘山故因昏夕多有恠形也明府道德高妙自天佑
之願安百祿以光休寵

晉東晉為尚書郎武帝嘗聞摯三月曲水之事虞對曰漢
章帝時平原徐肇以三月初生三女至三日俱亡村人以
為恠乃招携之濱沉祓遂因水以汎觴其義起此帝曰如
此談便非好事晉進曰虞小生不足以知臣請言之昔周

公城洛邑因流水以汎酒故逸詩云羽觴隨波又秦昭王

三日置酒河曲見金人奉水心之劔曰今君制有西夏乃

羈諸侯因此立為水二漢相緣皆為盛集帝大悅賜金五

十斤宋沈約按周禮女巫巫掌歲時祓除盥浴如今二月上巳如水上之類也盥浴謂以香薰草藥沃浴也韓詩

云鄭國之浴三月上巳之溱洧兩水之上招魂續魄秉蘭草拂不祥此則其未甚久非起郭虞之遺風今世之度水

也月令暮春天子始乘舟祭邕章句曰陽氣和暖鮪鮪有魚時至將取以薦寢廟故因是乘舟浮於名川也論語暮

春浴乎沂自上及下古有此禮今三月上也後於水濱蓋

出此也邕之言然張衡南都賦祓於陽濱又是也或因秋

漢書八月祓於霸上劉禎魯都賦素秋二七天漢指隅人

胥祓除國子水嬉又是用七月十四日也自魏以後但用

三日不以祀也

潘京為武陵主簿太守趙厥問京曰貴郡何以名武陵京

曰鄙郡本色名義陵在辰陽縣界與夷相接為所攻破先

武時移東山遂得見金光武識武易號傳曰止戈為武詩

高平曰陵於是改名焉

南齊崔慰祖好學聚書至萬卷為始安王記室建武中詔

舉士從兄惠景舉慰祖及平原劉孝標並碩學帝召試以

百里慰祖辭不就國子祭酒沈約吏部郎謝朓嘗於吏部

省中賓友俱集各問慰祖地里中所不悉十餘事慰祖口

吃無華辭而酬據精悉一坐稱服之眺嘆曰假使班馬復

生無以過此

梁范雲字彥龍齊建元所音陵王子良為會稽太守雲始

隨王王未之知也會游秦望使人視刻石文時莫能識雲

獨誦之王悅自是寵冠府朝王為丹陽尹召為主簿深相

親任時進見齊高帝值有獻白烏者帝問此為何瑞雲卑
最後答曰臣聞王者敬宗廟則白烏至時謁廟始畢帝曰
卿言是也感應之理一至此乎

王擣東海人以博學見知齊尚書令王儉嘗集不學之士
摠校虛實類物隸之謂之隸事隸事自此始也儉嘗使賓
客隸事多者賞之事皆窮惟蘆江河憲為勝乃賞以五花
簞白團扇坐簞執扇容氣甚自得擣後至儉以所隸示之
曰卿能奪之乎擣操筆便成文章既是奧辭亦華美舉坐
擊掌擣乃命左右抽憲簞手自製取扇登車而去儉笑曰
所謂大刀者負之而趨擣歷尚書左丞尹王陵子良校試
諸學生惟擣問無不對永明中天忽黃色照地衆莫能解

擣云是榮光也世祖大悅

裴子野為著作舍人時西北遠邊有白題及滑國遣國使
由岷山道人貢此二國歷代弗賓莫知所出子野曰漢穎
陰侯斬白題將一人服虔注雲白題胡名也又定遠侯擊
雷力八滑此其後乎時人服其博識

樂藹為御史中丞時長沙宣武王將葬而車府忽於庫失
油絡卻推主者藹曰昔晉武庫火張華以為積油萬匹必
然今庫若有灰非吏罪也既而檢之果有積灰

劉杳在天監初為太常博士任昉坐有人餉昉問梳酒而
作振字昉問杳此字是否杳對曰葛洪字苑作木旁梳昉
又曰酒作有千日醉當是虛言杳云桂陽程鄉有千里酒

飲之至家而醉亦其例也昉大驚曰吾自當遺忘實不憶
杳云出楊元鳳所撰至置郡事元鳳是魏代人此書仍載
其賦云三重五品商溪揆里昉即檢桂陽記言皆不差王
僧儒被勅撰姓譜訪杳血脉所因杳云栢譚所論云大史
三世來旁行邪上並效周譜以此而推當起周代僧儒嘆
曰可謂得所未聞周捨又問杳尚書官看紫符相傳云絜
囊竟何所出杳荅曰張安世傳曰橐筆事孝武皇帝數十
餘年韋昭張晏注並云橐也近臣簪筆以侍顧問范岫撰
字書音訓又訪杳焉其博識皆類此也

范岫為太子家令博涉多通甚悉晉魏以來凶吉故事沈
約常稱曰范公好事該博胡廣無以加南鄉范雲謂人曰
諸君進止威儀當問范長頭以岫多識前代舊事也

王僧儒為安城王參軍事鎮右中記室參軍僧儒多識古
事侍郎全元起欲注素問訪以砭石僧儒荅曰古人當以
石為針必不用鐵說文有此砭字許慎云以石刺病也東
山經高氏之山多針石郭璞云可以為砭針春秋美疹不
如惡石服子慎法云石砭石也李世無復佳石故以鉄代
之耳

張綰字孝卿少與兄績齊名湘東王繹嘗策之百事綰對
闕其六號為六百公位負外散騎侍郎

北齊魏收初仕後魏為中書侍郎孝武嘗宴百僚問何名
人日皆莫知收對曰晉議董勛荅問稱俗云正月一日為

鷄二日為狗三日為猪四日為羊五日為牛六日為馬七日為人時邢邵在側甚惡焉

隋王邵為太子舍人待詔文林館時祖徵孝魏收陽休之等嘗論古事有所遺忘討閱不能得因呼邵問之邵具論所出取書驗之一無所誤自是大為時人所許稱其博物唐守素為文學館學士天策府倉曹參軍尤工譜學自晉宋已降四海士流及諸勳貴萃式閱莫不詳究當號時為行譜嘗與虞世南共談人物言江左山東世南猶相酬對及言此地諸侯次第如流皆有援證世南但撫掌而笑不復能答嘆曰行譜可畏許敬宗因謂世南曰李倉曹以善談人物乃得此名雖為善事然非邪目公既言成准的宜當有以改之世南曰昔任彥升善談經籍梁代稱為五經笥今曰倉曹為人物志可矣

李百藥字重規隋內史令安平公德林子也七歲解屬文父友齊中書舍人陸人馬元熙嘗造德林燕集有讀徐陸文者云既取成周之禾將刈琅邪之稻並不知其事百藥時侍立進曰傳稱邠人籍稻杜預注云邠國在琅邪間陸人等大驚異之

虞世南為秘書監時隴右山權大蛇屢見山東及江淮多大水太宗以問世南對曰春秋時山權召伯宗而問焉對曰國主山川山摧川竭君為不舉降服乘縵徹樂出次祝幣以禮焉梁山晉所主也晉侯從之故得無害漢文帝元

年齊楚地二十九山同日摧水出令郡國無未貢獻施惠於天下遠近懼洽亦不為災後漢靈帝時青蛇見御坐晉惠帝時大蛇長三百步見齊地經市入廟按蛇宜在草野而入市朝所以可為恠耳今蛇見山澤蓋深山大澤必有龍蛇亦不足恠耳又山東久雨雖則其常然陰淫過久恐有冤獄宜省擊囚庶幾或當天意且妖不勝德惟修德可以銷變太宗以為然因遣使者賑恤飢餒申理獄訟多所厚宥後有星孛于虛危歷于氐百餘日乃滅太宗謂群臣曰天見彗星是何妖也世南曰昔者齊景公時有彗星見公問晏嬰對曰公穿池沼畏不深起臺榭畏不高行刑罰畏不重是以天見彗星為公誠耳景公懼而修德後十六日而星沒臣聞天時不如地利地利不如人和若德義不修雖獲麟鳳終是無補但政事無闕雖有災何損於時然願陛下勿以功高古人而自矜伐勿以太平漸久而自驕怠慎終如始彗星雖見未足為憂

褚遂良為諫議大夫貞觀十七年四月有雄雉飛集東宮顯德殿前太宗問群臣曰頃來頻雉集是何祥也遂良曰昔秦文公時有童子化為雉雉者鳴於陳倉雉者鳴於南陽童子言曰得雉者王得雌者霸文公遂以為寶難祠漢先武得雉遂起南陽而有四海陛下舊封秦王故雉雉見於秦地既古未將來祥既所以彰表德太宗曰立身之道可以學遂良所對為可重

許敬宗為侍中監修國史高宗因於古長安城游覽問侍
臣曰朕觀故城舊基宮室似與百姓雜居自秦漢已未幾
代都此敬宗對曰秦都咸陽郭邑連跨渭水故云渭水貫
都以象天河至漢惠帝始築此城其後符堅姚萇後周並
都之帝又問昆明池是漢武帝何年中開鑿敬宗對曰武
帝遣使通西夷南而為昆明滇池所閉欲伐昆明國故因
鑄之舊澤以穿此池用習水戰元狩三年事也帝因令敬
宗與引文學士且檢秦漢已未歷代宮室處以秦其年代
麟德三年十一月封禪至濮陽竇德立騎而從許敬宗在
後帝問德立曰濮陽爽凱信良邑也古謂之帝丘何也立
不能對敬宗策馬而前曰臣能知之昔者帝顓頊實居此
地以王天下其後夏后居之為寒浞所滅后相禹娘逃
出自實在此也其後昆吾氏因之而為夏伯昆吾既衰殷湯
滅之商頌曰韋顧既伐昆吾夏桀是也至春秋時衛成公
自楚丘陵居之左傳稱相奪於享以都奪其地故也既是
顓頊所居故謂之帝丘爰在漢晉隸於東都臣聞有德者
啓其國土失道則喪其封疆自古名都美邑居之者不一
姓故有國有家不可不慎也帝曰書稱浮於濟漯今之濟
水與濟源斷絕弗相屬何故然也對曰禹貢道流水東流
為濟入於河即今濟源至温而入河是也其水自北潛流
地下過河而南度浸入為滎澤又復潛流至曹濮之間散
出平地漸合而東流自南注之即所謂決為滎東流于陶

丘北又東會于文是也古者五行皆有官守水官不失其職能辯其味與色潛流復出合而更分皆能識之尚書所載與今同矣帝曰天下決流拒谷多不告於祀典濟水微細而稱曰瀆何也對曰臣按爾雅瀆者獨也言不因餘水獨能赴海故也且天有五星運而為四時地有五嶽流而為四瀆人有五事用而為四支五陽數也四陰數也有竒有耦有陰有陽陽者先曜陰者晦昧故辰星隱伏而難見濟水潛流而屢絕狀雖微細其實尊大也上稱善敬宗退而告人曰大臣不可無學吾向見德立不能對心實羞之德立聞之曰人各有能不能善守其拙不強其所不知吾能也李勣曰敬宗多信美矣德立之言亦善也

梁張策少聰敏好學父同仕唐官至容管經畧使居洛陽郭化里嘗浚井得古鼎耳有篆字曰魏黃初元年春二月匠吉干且又制作竒巧同甚寶之策時父傍徐言曰建言二十五年曹公夢改年為延康其年十月文帝受漢禪始號黃初則是黃初元年無二月明矣晁文何謬歟同大驚亟遣啓書室取魏志展讀不失所言宗族竒之

李珽為諫議大夫宣徽州副使從征至魏縣過內黃太祖顧曰此何故名內黃珽曰河南有外黃故此有內黃又曰在何所對曰秦有外黃都慰里外黃其故壖今在雍丘小黃為高齊所廢其故壖今在陳晉太祖稱漿數四

新刊監本冊府元龜卷之七百八十

新刊監本冊府元龜卷之七百八十一

總錄部三十一

節操

夫霜雪大摯知松柏之後凋風雨如晦識鷄鳴之不已蓋士之立誠自守秉節無貳同夫介石至于沒齒者其若是乎東周而後西漢而下乃有顧義遺利守職求舊居無苟合動不踰矩挾操而罔屈處亂而匪汙深拒權倖絕歟驕餌意趣非偶靡降心而與游才任過分必投劾而引去鄙斥邪佞保全名節凜然之槩聳於前聞卓尔之行冠乎群萃非夫天爵內富性理宜全蹈道而經德秉彛而守正又曷能篤志始終確乎不投者哉鄭之太子忽齊侯欲以文

姜妻之忽辭人問其故太子曰人各有耦齊姜非吾耦也
詩云自求多福在我而已大國何如君子曰善自為謀及
其敗戎師也齊侯又請妻之固辭人問其故太子曰無事
於齊吾猶不敢今以君命奔齊之急而受室人歸是以師
婚也民其謂我何遂辭諸鄭伯以為父之命
高哀宋大夫為蕭封人以為卿蕭宋附庸仕附庸還外為卿不義宋公
而出遂來奔魯出而待放從放書曰宋子哀來奔貴之也
責其不食汙君之祿而避禍速也

楚鍾人儀伶人也晉侯觀於軍府見鍾儀問之曰南冠而
摯者誰也南冠楚冠摯拘執有司對曰鄭人所獻楚囚也使脫之

鄭獻鍾儀在十年脫解也召而弔之再拜稽首問其族對曰伶人也

樂官公曰能樂乎對曰先父之職官也敢有二事言不及學他事使

與之琴操南音楚音公曰君王何如對曰非小人之所得

知也因問之對曰其為太子也師保奉之以朝于晏嬰齊

而夕于側也嬰齊令尹子重側司馬子反言其尊卿敬老不知其他公語范文

子之子曰楚囚君子也言稱先職不背本也樂操士風不

忘舊也稱太子抑無私也舍其近事所遠稱少小名其二以示性所以然而至誠

卿尊君者也尊晉君也不背本仁也不忘舊信也無私忠也尊

君敏也敏達也仁以接事信以守之忠以成之敏以行之事

雖大必濟言有此四德必能成大事君蓋居之使合晉楚之成公從之

重為之禮使歸求成

閔損字子騫季氏使費宰費季氏邑季氏不臣而其邑宰數畔閔子騫賢故欲用之也

閔子騫曰善為我辭焉不欲為季氏宰語使者善為我作辭說令不復召我如有復

我者復我者重來召我則吾必在汶上矣汶水上欲如齊

顏叔子獨處于室鄰之娶婦又獨處于室夜暴風雨至而

室壞婦人趨而至顏叔子約之而使執燭放手旦而蒸盡

縮屋而繼之自以為避嫌之不審矣一云魯人有男子獨處于室鄰之釐婦人

獨處于室夜暴風雨至而室壞婦人趨而托之男子閉戶而不納婦人自牖與之言曰子何為不納我乎男子曰吾

聞之也男子不知十不間居今子幼吾亦幼不可以納子婦人曰子不可若柳下惠然拒不逮門之女國人不能其

亂男子曰柳下惠固吾不可吾將以吾不可學柳下惠之可

漢朱逮楚人常為淮南王黥布相為人辯有曰刻廉剛直

行不苟合義不取容辟陽使行不正得辛呂太后欲知違

遠不肯見趙禹為人廉倨倨亦傲也為吏以來舍無食客公卿

相造請禹終不行執謝務在絕知友賓客之請以此意告執公卿

孤立行一意而已後為燕相免歸

嚴彭祖宣帝時為博士至河南東郡太守以高第入為左

馮翊遷太子太傅廉直不事權貴或說曰天時不勝人事

君以不修小禮曲意七貴人左右之取經詎雖高不至宰

相願少自勉強彭祖曰凡通經術固當修行先王之道何

可委曲從容苟求富貴乎

雋不疑為京兆尹大將軍光欲以女妻之不疑固辭不肯

當任安由仁俱為衛將軍舍人衛將軍小從二人過平陽

主家令兩人與騎奴同席而食比二子有刀列斷席而別

坐主家皆恠而惡之莫敢呵

蕭望之字長倩東海蘭陵也好學治齊詩京師諸儒稱述
焉是時大將軍霍光秉政長史邴吉薦儒生王仲翁與望
之等數人皆召見先是左將軍上官桀與蓋主謀殺光光
既誅桀等後入自備吏民當見者露索云刀兵兩吏挾持
索搜也露望之獨不肯聽自引出閣曰不願見吏索持膏
形体而搜光聞之告吏勿持望之既至前說光曰將軍以功德輔幼
主將以流大化至於治平治令太化通四方也是以天下之士延
頸企踵爭願自效以輔高明今士見者皆先露索挾持恐
非周公相成王躬吐握之禮致白屋之意周公攝政一沐
吐舖以接天下之士白屋謂白於是光獨不除用望之而
蓋之屋以茅覆之賤人所居仲翁等皆補大將軍史三歲間仲翁至光祿大夫給事中

望之以射策科甲為郎射策者謂為難問擬義書之書於
策星其大小署為甲乙之科刻而

置之不使彰顯有欲射者隨其所取得而擇以之知優劣
射之言投舍也對策者顯問以政事經義令各對之而觀
其文辭定署小苑東門候署補署也門候至
高下也仲翁出入從

倉頭廬兒皆官之餘踐後府
者也解見屬貢傳下車趨門傳呼甚寵趨向也
下車而

向門傳聲而呼侍從
者甚有尊寵也顧謂望之曰不肯祿祿夕抱閔為祿
謂循常言望之不能隨例搜索
以違候執政不大官而守門也望之曰各從其志後位至

前將軍

後漢孔休自哀帝時為新都令後王莽秉權休官歸家及
莽篡位求子孫賜穀以遣使齊玄纁束帛諸為國師遂嘔
血託病杜門自絕光武即位求子孫賜穀以旌顯之
栢譚字君山哀帝時董賢為大司聞譚名欲與之交談失

奏書於賢說以輔國保身之術賢不能用遂不與通後為六安丞

薛方為郡掾祭酒嘗徵不至及王莽以安車迎方方因使者辭謝曰堯舜在上下有巢由今明主方隆唐虞之德小臣欲守箕山之節使者以聞莽說其言不強致

譙立為繡衣使者持節分行天下未及終而王莽居攝立於是縱使者車縱捨也變易姓名閉戶竄歸家曰以隱遁

卓茂為京部丞及王莽居攝以病免歸與同縣孔休陳留蔡勲安泉劉宣楚國龔勝上黨鮑宣六人同志不仕莽世並名重當時

蘇勲字君嚴邕六世祖也好黃老平帝時為郡令王莽初

授以厭戎連帥

王莽改隴西郡曰厭戎郡守曰連帥

勲對却授仰天嘆曰吾

策名漢室死歸其正昔曾子不受季孫之賜况可事二姓哉遂携將家屬逃入深山與鮑宣卓茂等不仕新室

宣秉字臣公少修高節顯名三輔哀平之際見王氏據權專政侵削宗室有逆亂萌隱遁深山州郡連召常寢疾不仕王莽為宰衡群命不應及莽篡位又遣使者徵之秉固稱病疾建武初始為大司徒司直

杜林字伯山初為郡吏王莽敗盜賊起與弟成俱客河西隗囂素聞林志節相敬待以為特書平後因疾告去辭還祿食囂復欲令種起遂稱疾篤囂意雖望且欲優容之

東觀記曰林奇器也終不降志辱身至替蒿席車不食其粟

乃出令曰杜伯山天子所

恨也

不能臣諸侯所不能友蓋伯夷叔齊耻食周粟今且從師友之位須道開遍使順所志林雖拘於囂而終不屈節後位至大司空

崔篆王莽時為大司尹不得已單車到官稱疾遂去建武初朝廷多薦之者幽州刺史又舉篆賢良篆自比宗門受莽偽寵慚愧漢朝遂辭歸不仕

蔡茂哀平間廷侍中遇王莽居攝以病自比不仕莽朝會天下擾亂茂素與竇融善因避難歸之融欲以為張掖太守固辭不就每餉給計口取足而已

胡剛清高有志節大司徒馬官辟之值王莽居攝解其衣冠縣府門而去遂亡命交趾隱於屠肆之間後莽敗及居

鄉里鄧憚王莽時左隊大夫遂

遂姓

署為吏憚不謁曰昔

文王拔呂望於渭濱高宗禮傳說於版築桓公取管仲於射釣故能茂烈就元勲未聞師相重仲父而可為吏位也非闕者不可與圖遠君不授驥以重任驥亦俛首寰足而去耳遂不受著積弩將軍傳俊東徇楊州禮請憚為將兵長史授以軍政所向在下俊還京師而上論之憚耻以軍政取位遂辭歸鄉里

杜安年十三入大學洛陽令周紆自往候安安謝不見京師貴戚慕其行或遺之書安不發悉壁藏之及後捕案親戚賓客安開壁出書印封如故

高詡世傳魯詩以信行清操知名王莽篡位父子稱歆逃

不仕莽世楊寶王莽時與兩龔蔣詡居徵遂遁逃不知所
處龔字元卿益以高節著名光武高其節建武中公車特
徵老病不到卒于家

王霸少有清節初王莽篡位棄冠帶絕交官

樂恢為騎都尉性廉直介立行不合己者雖貴不與交初
信陽侯就陰數致禮請恢恢絕不答

禾暉字文季為尚書令性矜嚴進止必以禮永平初明帝
舅信陽侯陰就募暉賢自往候之暉避不見復遣家臣致
禮暉遂閉門不受就聞嘆曰志士也勿奪其節

鄭興更始時為京洲刺史會天水有反者攻殺郡守興坐
免時赤眉入關東道不通興及西歸隗囂虛心禮請而興

耻為之屈稱疾不起及囂遣子恂入侍將行興因求歸葬
父母囂不聽而徙居興益其秩禮興入見囂曰前遭赤眉
之亂以將軍僚舊故敢歸身明德幸蒙覆載之恩復其得
全其性命興聞事親之道生事之以禮死葬之以禮奉以
周旋弗敢失墜今為父母未葬富貴在天其知我雖胡越
可親苟不相識從物何益後為內黃令

成翊世不應三公辟先是順帝廢為濟陰王翊世上訟之
安帝不從及濟陰立為順帝司空張皓以翊世前訟太子
之廢薦為議郎翊世自以其功不顯耻於受位自劾歸
蔡衍為議郎符令梁冀聞衍賢請欲相見衍辭疾不往冀
恨之

橋立補洛陽左尉梁不疑為河南尹立以公事當詣府受對耻為所辱棄官還鄉里

蔡邕陳留園人妙操音律中常侍徐璜左悺等五侯擅恣聞邕善鼓琴遂白天子勅陳留太和督促發遣不得已行到偃師稱疾而歸後為左中郎將

楊康遷平原令時國相徐曾中常侍璜之兄也康耻以接事托疾收豕

表山松書楊康名章字升康

夏馥少為書生言行有直同縣高氏蔡氏並皆富殖郡人畏而事之雖馥比不與交通由是為豪姓所供後入林慮山中而卒

張儉山陽高平人初舉茂才以刺史非其人謝病不起後為衛尉

鄭立字康成北海高密人家貧客居東萊及黨事起被禁錮遂隱修經業杜門不出靈帝末黨禁解大將軍何進聞而避之州郡以進權戚不敢違意逐迫脅立不得已而詣之進為設几杖禮待甚優云不受朝服而以幅巾見宿逃去後公車徵為大司農以病自乞還家

計邵字子將汝南平輿人從祖敢敬子訓子相並為三公相以諂事宦官自致台司教遣請召邵惡其薄行終不候之後司空楊彪辟舉方正敦樸皆不就

魏張範字公儀河內修武人初太傅袁隗欲以女妻範範辭不受性恬靜樂道忽於榮利徵命無所就範與弟丞避

地揚州袁術備禮召請範稱疾不往術不強屈遣丞與相見復太祖袁為諫議大夫

袁渙與陳郡父子皆在呂布軍中布破郡父子是太祖皆拜渙獨高揖不為禮太祖甚嚴憚之時太祖又給衆官車各數乘使取布軍中物惟其所欲衆人皆重戴於渙取書數百卷資糧而已衆人聞之大慚渙謂所親曰脫我以行陳今軍發足以為行糧而已不以此為我有由是厲名也大悔恨之太祖益以此重焉後至郎中令行御史大夫

何叢陳郡陽夏人初避亂淮南後袁術至壽春辟之叢不應然遂為術所流久之術與橋蕤俱攻圍蘄陽為魏太祖固守術以叢彼郡人卻脅令欲說蘄陽叢謂術謀臣李業

曰昔柳下惠聞伐國之謀而有憂色曰吾聞伐國不問仁人斯言何為至於我哉遂遁匿瀟山術知叢終不為己用乃止術從兄山陽太守遣母叢從姑也是以惟恨叢而不加害及叢將還鄉里度術必急追乃間行得免後位至太僕

王烈管寧邴原同避亂至遼東烈於是名聞在原寧之右辭公孫度長史商賈自穢太祖命為丞相掾未而卒

崔琰字季珪袁紹以為騎都尉紹卒二子交爭欲得琰琰稱疾固辭由是獲罪幽於囹圄賴陰叢陳琳營救得免官至中尉

王郎為會稽太守為孫策所譴讓之使張昭門私郎即誓

不屈策忿而不敢害也留至曲阿建安三年太祖表徵即策遣之

栢階字伯緒劉表辟為從事祭酒歆妻妹蔡氏皆自陳已結婚拒而不受因辭疾告退

李敏為河內太守去官還鄉里遼東太守公孫度歆強用之敏乘輕舟泛滄海莫知所終

杜襲字子緒漢末避亂荊州劉表待以賓禮同郡敏欽數見竒竒於表襲喻之曰吾所以與子俱來者徒欲龍蟠幽藪待時鳳翔豈謂劉牧當為撥亂之主而規長者委身哉子若見能不已非吾徒也吾其與子絕矣敏慨然曰請敬受命襲遂南適表以官至大中大夫

陳矯字秀弼廣陵廣陽人也避亂江東城薛孫策袁術之命還本都後位至司徒

吳陳化妻早亡化以古事為鑒乃不復娶時帝聞而貴之以其年壯亦宗正妻以宗室女化辭固以疾帝不違其志虞翻會稽餘姚人為司空辟虞翻翻曰盜蹠以余財汙良家邪晉石偉字公操吳人也少好學修節不怠介然獨立有不可奪之志吳平後武帝太康二年詔曰吳故先祿大夫石偉秉志清白皓白不踰雖處危亂廉節可紀年已過邁不堪遠涉以偉為議即加二千石秩以終厥世偉遂陽往及育不受晉爵年八十三太熙元年卒

諸葛靚父誕魏司空為文帝所誅靚奔吳為大司馬吳平

逃竄不出武帝與靚有舊靚妹又為琅邪王妃帝知靚在
姊間因就見焉靚逃于廁帝又逼見之謂曰不謂今日復
得相見靚流涕曰不能添聲身皮面復靚聖顏詔以為侍
中固辭不拜歸於鄉里終身不向朝廷而卒

王褒父儀為司馬文王所殺褒與濟南劉兆俱以不在顯
名褒以父為文王所濫死身終不應其聘未嘗西向坐以
視不臣於晉也

王衍字夷甫陽駿欲以女妻焉衍耻之遂佯狂自免後位
至太尉

常忠有節操家貧藜藿不充人不堪其憂而忠不改其樂
裴頠為僕射數言之於司空張華華辟之辭疾不起人問

其故忠曰吾苾簷賤士無官情日茂先

張華字也

華而不實裴

頠慾而無厭弃典禮而賤實行若此豈大丈夫之所宜行
邪裴常有心想我恐洪濤蕩岳餘波見漂况可臨尾閭而
闕沃焦哉

解系字之進武帝時為勗門宗彊盛朝野憚之勗諸子謂
系等曰我與卿為友應向我公拜勗又曰我與尊先使君
親厚系曰不奉先君遺教公若與先君厚往日哀頓當書
問親厚之誨非所敢承勗父子大慚當世壯之官至雍州
刺史楊烈將軍郗鑒為中書侍郎東海王越辟為主簿其
賢良不行征東大將軍荀晞檄為從事中郎晞與越方以
力爭鑒不應其召從兄勗晞之別駕恐禍反已勸之赴召

鑒終不迴晞亦不之逼也及京師不守寇難蜂起鑒遂陷於陳武列中邑人於寔先求交於鑒不許至是寔於午營來省鑒疾既而郝鑒謂寔曰相與邦壤義不及通何可怙亂至此耶寔大慚而退午以鑒有名於世將逼為王鑒逃而獲免午尋潰散鑒得歸鄉里趙王倫辟為掾知倫有不臣之跡稱疾去職及倫篡其黨皆至大官而鑒閉門自守不染

賀循山陰人在郡遇陳敏之亂詐稱詔書以循為母陽內史循辭以脚疾手不制筆又服寒食散露髮袒身示不可用敏竟不敢逼是時州內豪傑皆見繼繫或有老疾就加秩命惟循與是郡失詔不豫其事及敏破征東將軍周馥

上循領會稽相尋除吳國內史公車徵賢良皆不就

虞望少有節操元帝為帝丞相招延四方之士多辟府掾時人謂之百六掾望亦被招耻而不應

陸玩為元帝丞相參軍時王導初至江左思結交情請婚於玩玩對曰培塿無松柏薰蕕不同噐玩雖不方義不能為亂倫之始導乃止後位至侍中司空

庾袞字叔褒諸父並貴盛惟袞父獨守貧約袞躬親稼穡以給供養而執事勤恪與弟子樹籬跪以受條或曰今在隱屏先生何恭過袞曰幽顯易操非君子之志也舉孝廉郡功曹皆不屈

王濛為師徒左西屬濛以此職有譴則應受杖固辭詔為

停罰猶不顏含為光祿勳桓溫求婚於含含以其盛滿不許惟與鄧收深交

王述子坦之為桓溫長史溫欲為子求婚於坦之及還家省父而述愛坦之雖長大猶抱置膝上因言溫意述大怒遽排下曰女竟癡耶詎可畏溫面而以女妻兵也坦之乃辭以他故溫曰此尊君不肯耳遂止官至衛將軍散騎常侍尚書令

王獻之為謝安衛將軍長史孝武太元中新起太極殿安欲使獻之題榜以為萬代寶而難言之誠謂曰魏時凌雲殿榜未題而匠者誤釘之不可下乃使韋仲將懸橙而書之比說鬚髮盡白裁餘氣息還語子弟宜絕此法獻之知

其旨正色曰仲將魏之大臣寧有此事使其若此有以知魏德之不長安遂不之逼

江續字仲元有志氣除秘書郎以父與謝氏不睦故謝安之世辟召無所從論者多之安薨始為會稽王道子標騎主簿

孫潛為豫章太守殷仲堪之討王國寶也潛時在郡堪逼以為諮議參軍固辭不就

王敬引少有清尚起家本國左常侍衛軍參軍性恬靜樂山水為天門太守其妻桓玄姊也敬引之郡玄時為制州

遣信要令遇敬引至江陵遇人曰靈寶桓玄字也見要正當欲

與其姊集聚耳我不能為桓氏贅婿乃遣別舡送妻往江

陵妻在桓氏彌年不迎

謝方明少有志操桓玄尅京邑丹陽尹卞範之勢傾朝野
欲以女嫁方明使尚書吏部郎王勝辟說備方明至終不
回桓玄聞而賞之方明後為會稽太守

龔穎為益州刺史毛璩從事璩為醮縱所殺穎獨不屈節
縱既僭號備禮徵不至乃收穎富欲脅以兵刃執志彌堅
終無違改至於蜀平遂不屈節

范騰字無忌燉煌人舉孝廉除郎中屬天下兵亂去官還
家太守張閔造之閉門不見禮遣一無所受嘆曰生於亂
世貴而能貧乃可以免散家財五十萬以施宗族柴門灌
園琴書自適張軌徵之為司府馬騰曰門一閉其可開乎

固辭病月餘而卒

崔遊年七十餘敦學不倦劉亢海僭位命為御史大夫固
辭不就卒于家

楊軻學業精微養徒數百劉曜僭號徵拜太常固辭不起
曜亦敬而不逼遂隱于隴山

桑虞諸兄仕於石勒之世咸登顯位惟虞耻臣非類陰欲
避地海東會丁母憂遂止哀毀骨立廬於墓側五年後石
勒以為武城令虞以密邇黃河去海微近將申前志欣然
就職石李龍太守劉徵甚器重之徵遷青州太守請虞為
長史帶祝阿郡徵遇疾還鄴令虞監行州府屬李龍史國
中大亂朝廷以虞名父之子必能立功海岱潛遣東莞人

華廷授虞寧朔將軍青州刺史虞曰功名非吾志也乃附使者啓讓刺史盡居海石不交墳外雖歷偽朝而不豫亂世以此高之

高瞻隨東夷校尉崔恣伐慕容廆于棘城恣奔敗瞻隨衆降于廆廆署為將軍瞻稱疾不起廆敬其姿噐數臨之使撫其心曰君之疾在此不在餘也今天子播越四海分離蒼生紛擾知莫所係孤思與諸君興復帝室剪鯁豕於二京迎天子於吳會廓清八表侔勲古烈此孤之心也孤之願也君中州大族冠冕之餘宜痛心疾首枕戈待旦柰何以華夷之異有壞介冑耳大禹出于西羌文王生于東夷但問志畧何如耳豈以殊俗不可降心乎瞻乃辭疾篤牽

深不平之瞻又與宋該有省該陰歡廆降之聞其言彌不自安遂以憂死

吳喬車騎將軍一之孫沒李確中中三十年不為確屈也譙秀字元彥巴西人祖周以儒學著顯名蜀朝秀少而靜默不交於世知天下將亂預絕人事雖內外宗親不與相見郡察孝廉周舉秀才皆不就及李雄據蜀畧有巴西雄叔父驥于壽皆慕秀名具束帛安車徵之皆不應之冠皮并弊衣躬難山藪龔壯常嘆服焉

嵇紹為侍中忝王冏秉政紹常詣冏咨事遇冏宴會召華艾葛旗等共諭時政艾言於冏曰嵇侍中善於絲竹公可令操之左右進琴紹推不受冏曰今日為歡卿何吝此耶

紹對曰公興復社稷當執物作則垂之於後紹雖愚鄙忝諸常侍腰紵冠冕鳴玉殿省豈可操執絲竹以為伶人之事若釋公服從私宴所不敢辭也罔大慚艾等不自得而退戴逵字安道常以琴書自娛太宰武陵王晞聞其善鼓琴使人召之逵對使者破琴曰戴安道不為王門伶人晞怒乃更引其兄述述聞命忻然擁琴而往矣國子祭酒散騎常侍徵皆不至

後蜀龔壯巴西人父叔為李特所害壯說李受討特孫期以報讐果尅之壯謂百行之本莫大於忠孝既受殺期私仇以雪又欲使其歸朝以明臣節受既不從壯遂稱疾又不手不制物終身不復至成都唯研考經典覃思文章至

李勢時卒

前涼辛理美姿貌張駿欲奪其妻以寡婦妻之理割鼻自誓宋庾邴之字仲文初為太書太子舍人劉粹狂北長史廣平太守兄登之獨謝悔長史邴之往省之時悔位高權重朝莫不加敬邴之獨其抗禮時論徒之

顏延之妹適東莞劉憲之穆之子也穆之既與延之通家又聞其美將仕之先欲相見延之終不往也延之位至全紫光祿大夫願湘東王師

王景文風姿好言理太祖甚相欽重故為明帝娶景文妹高祖第五女新安公主見適太原王景深離絕當以適景文景文固辭以疾故不成婚景文後為領中書令常侍僕射

揚州刺史顧顛之為吳郡太守幸臣戴法興權傾人主而顛之未嘗降意左光祿大夫蔡興宗其顛之苦嫌其風節過峻顛之曰辛毗有云不事孫劉不過使吾不為三公耳及世祖宴駕法興遂以顛之為光祿大夫加金章紫綬杜慧度交州刺史瑗之第五子為九真太守瑗卒府州綱往以交土多冠不宜曠職共推慧度行州府事辭不就桓閔叔字通齊高帝輔政使褚彥回為子子晃求閱文閱辭以齊大非偶帝雖加其退讓而心不能勸即以晃婚王佃女謂豫章王嶷曰前欲以白象其栢公婚者重其夷詹事雖不遂心常依然白象晃小字也及高宗即位有誠心封爵如故卒於金紫光祿大夫謚曰定

袁淑從母兄劉湛欲其附也而淑不為改意由是大相乖失淑乃賦詩曰種蘭忌當門懷璧莫向楚楚少別玉人門非種蘭所尋以久疾免官

蔡廓為吏部尚書廓因此地傳金隆問傳亮選事若悉以見集論不然不能拜也亮以語錄尚書徐羨之曰黃門郎以下悉以委蔡吾徒不復曆懷自此以上故宜共參同異廓曰我在能為徐千木署紙尾也遂不拜千木羨之小字也選案黃紫錄尚書與吏部尚書連名故廓云署紙尾也羨之亦以廓正直不欲使居權要徙為祿部尚書

南齊褚賁淵之長子歷侍中淵薨服闋見世祖賁流涕不自勝帝甚嘉之以為左氏尚書不拜表稱疾讓封其弟秦

世以為賁淵失節於宋室故不復仕

褚炤彥回之從父弟也少有高節王儉嘗稱才堪保傳為成安郡還以一目眇召為國子祭酒不拜常非彥回身事二代彥回子賁往問說炤炤問曰司空今日何在賁曰奉璽紱在齊大司馬門炤正色曰不知汝家司空將一家物與一家亦復何謂彥回拜司徒賓客滿坐炤嘆曰彥回少立名行何意披猖至此門戶不幸乃復有今日之拜使彥回作中書郎而死不當是一名士耶名德不昌遂有期頤之壽彥回性好戲以炤車給之炤大怒著此辱門戶耶可令人見索火燒馭人奔車乃免

崔慰祖少與江祀歎及祀貴常來候之而慰祖不往為始

安王暹光記室王好答數召慰祖對戲慰祖輒辭拙苟非朔望不見也建武中帝欲試以百里慰祖不就

王秀之為太子舍人吏部尚書褚淵見秀之正潔欲與結婚秀之不肯以此轉為兩府外兵參軍

王僧祐太尉儉從祖兄也竟陵王子良聞僧祐善彈琴於座取琴進之不肯從命卒於黃門郎

劉悛婦弟王法顯同宋桂陽王作亂悛遂起其婦別居終身不復見之悛以五兵尚書授散騎常侍領驍騎將軍卒梁江舊為吏部郎僕射徐勉權重自遇舊其禮勉因舊門客翟景為七兒繇求舊女婚舊不達景再言之反杖景四十由此與勉有忤除散騎常侍不拜

裴子野遭父憂居喪盡禮天監初尚書僕射范雲嘉其志行將表奏之會雲卒不果樂安任昉有盛名為後進所慕遊其門者昉必相薦達子野於昉為從中表獨不至昉亦恨焉子野為鴻臚領部兵校尉知著作即無中舍人卒阮孝緒鄱陽忠烈王妃孝緒之娣王嘗命駕欲就之遊孝緒鑿垣孔走卒不肯見天監十二年傳詔薦之徵不到噉嚴性孤介於人門未嘗造詣僕射徐勉欲識之嚴終不詣卒于鎮南謚議參軍

江子一直華林省其姑夫右衛將軍朱异權要當朝休下之日賓客輻輳子一未嘗造門其高潔如此子一少好學有志操以家貧闕養因蔬食終身終於南津校尉

王承性簡重有風格時右衛朱异當朝用事每休下車馬填門時有魏郡申策好危言高論以忤權右常指异門曰此中輻輳皆以利往能不至者惟有大小王東陽耳小東陽即承弟犁也當時惟承兄弟及褚翔不至异門世以此稱之嘗任國子祭酒出為東陽太守卒

吉翊字彥霄其父為人所誣罪當大辟翊求代父死高祖乃宥其父丹王尹陽志求欲於歲首舉純之選翊曰異哉王尹何量翊之薄乎夫父辱子死斯道同然若翊有覲面目當其此舉則是因父置名一何甚辱拒之而止後湘州刺史柳阮召為主簿

陳王元規父瑋梁武陵王府中將軍記室元規八歲而孤

兄弟三人隨母依舅氏住臨海郡時年十二郡豪劉瓚者
資財非萬以女妻之元規母以其兄弟幼弱欲結強援元
規泣請曰因不失親古人所重豈得苟安異懷輒婚非類
母感其言而止

虞寄為梁岳陽王中記室候景之亂寄隨兄荔入臺除鎮
南湘東王諮議叅軍加身喊將軍京城陷遁還鄉里及張
彪往臨川強寄俱行寄以標將鄭瑋同舟而載瑋嘗忤彪
意乃劫寄奔于晉安時陳寶應據有閩中浔寄甚喜高祖
平侯景寄歡令自結寶應從之乃遣使歸誠承聖二年除
和戎將軍中書侍郎寶應愛其才託以道阻不遣每欲引
寄為僚屬委以文翰寄固辭獲免及寶應結婚留異潛有

逆謀寄真知其意言說之際每陳逆順之理微以諷諫寶
應輒引說他事以拒之又常令左右誦漢書臥而聽之至
蒯通說韓信曰相君之背貴不可言寶應蹶起曰可謂智
士寄正色曰覆鄴驕韓未足稱智豈若班彪王命識所歸
乎寄知寶應不可諫慮禍及已乃為居士服以拒絕之常
居東山寄偽稱脚疾不起寶應以為假托使燒寄所臥屋
寄安臥不動親近將扶寄出寄曰吾命有懸避欲安往所
縱火者旋自救之寶應自此方信及寶應既擒凡諸賓客
微有交涉者皆伏誅惟寄以先識免禍

後魏穆紹宣武時為侍中性方重罕接賓客元又當權魯
候紹迎送下階而已後除車騎大將軍固辭不拜又除侍

中托疾不起莊帝立介未榮遣人徵之紹以為必死哭辭家廟及往見榮於印山拱手不拜榮亦矯意禮之顧謂人曰穆紹不虛大家兒

賈景興清峻鯁正少為州主簿遂廼遲不仕後葛榮陷冀州為榮所虜稱疾不拜景興每捫膝而言曰吾不負汝以不拜葛榮故也

裴美字師伯少有美名舉秀才州主簿太尉咸陽王相賞愛欲以女妻之美拒而不納

盧義僖為大中大夫散秩多年澹然自得李神俊勸其干謁當途義僖曰學先生之道貴行先王之志何能求富貴也後遷散騎常侍時靈太后臨朝黃門侍郎李執勢傾朝

野求結婚姻謂義僖曰昔人不以一女易男鄉里易之也義僖曰所以不從正為此耳從之恐禍大而速萬堅握義僖之手曰吾聞有命敢以告人遂適他族臨婚之多靈太后遣中常侍服景就家勅停內外惶怖義僖夷然自若游肇為黃門侍郎時尚書令高肇宣武之舅為百僚攝憚以肇名與己同欲令改易肇以孝文所賜秉志不許高肇甚啣之宣帝武喜其剛梗

崔挺為光州刺史景明初自代歸闕散騎常侍趙修幸宣武挺雖同州壤未嘗謁門北海王祥為司徒錄尚書事以挺為司馬於後祥攝選衆人競稱孝弟以來遷秩挺獨無言祥曰崔光州考級並未加授宜授一牒當申請濩伯玉

耻獨為君子亦何故默然挺對曰階級是聖朝大例考課亦國之常典下官雖慚古賢不伐之美至於自銜求進竊以羞之祥大相稱嘆自為司馬祥未曾呼名嘗稱州號以示優禮

楊津為符璽郎津以身在禁密不外交遊司馬馮誕與津少結交遊而津見其貴寵每常退避及相招命多辭疾不往誕以為恨而津逾遠焉人或謂之曰司徒君之少舊宜彖進達何遽自外也津曰為勢家所厚復何容易但全吾今日亦以足矣

崔光韶河東武陵人為廷尉卿永安末還鄉里刺史元弼前妻景元詔之繼室兄女而弼貪恠多諸不法光韶以親

情函相非責弼啣之時耿翔反於州界弼誣光韶子通賊連結囚其合家考掠非理而韶與之辯爭辭不可屈會樊子鵠為東道大使知其見枉議出之時人勸令詣樊陳謝光韶曰羊舌大夫已有成事何勞也子鵠亦嘆而尚之皇補徽字子玄安定朝郡人仕梁歷諸王參軍郡守及夏侯道遷入國徽亦因地內屬徽妻郡道遷之兄女道遷列上勲書欲以徽為元謀徽曰弼謀之始本不關係雖貪榮賞實內愧於心遂拒而不許

裴粲為洪農太守免官時僕射高肇以外戚之貴勢傾一時朝士見者咸望塵拜謁粲候肇惟長揖而已及還家人尤責之粲曰何可自同凡俗也

北齊楊愔孝昌中父津為定州刺史隨父之職及中山為杜洛周陷全家被囚繫未幾洛周滅又授葛榮榮欲以女妻之又逼以偽職愔仍托疾密含牛血數合於衆中吐之仍佯喑不語榮以為信然乃止裴諷之少有儒學司空高軌致書曰相屈為戶曹參軍諷之復書不受署

元景皓魏陳留王杜之子杜羊景皓嗣天保時諸元帝室親迎者多被誅戮疏宗如元景安之徒議欲請姓高氏景皓云豈得棄本宗逐他姓大丈夫寧可玉粹不能瓦全景安遂以言曰文宣乃收景皓誅之家屬徙彭城由是景安獨賜姓高氏自外聽從本宗

司馬膺之性方古不會俗舊其楊愔為黃門郎至愔為尚書令抗禮如初愔嘗有從姊憐尚書卿尹皆跪弟膺之執手而出曾路逢愔威儀導引乃於樹下側避之愔於車望見令呼謂曰兄何意避弟膺之曰我自避赤棒本不避卿愔甚重之然以其疎簡傲物竟天保間滄滯不葢

房豹以齊滅還鄉園自養頻徵辭疾終於家

後周崔謙為馘京司馬族弟暹當時寵要謙其之舊僚同門非吉凶未嘗造請以雅道自居

常夔高尚不仕時兄孝寬為延州總管夔至州其孝寬相見將還孝寬以乘馬及轡勒其夔以其華飾心弗欲之笑謂孝寬曰昔人不棄遺簪墜屨者惡與之同出不其同歸吾之操行雖不逮前烈然捨舊錄新亦非吾志也於是乃

乘舊以歸

裴俠累迁河北郡守躬履儉素清慎奉公從弟伯鳳世彥時並為丞相府佐笑曰人生仕進須身名並裕清儉若此竟欲何為俠曰夫清者蒞職之本儉者持身之基况我太宗世濟其美故能存見稱於朝廷沒流芳於典策今吾幸以凡庸濫蒙殊遇固其窮困非慕名也忘在自修懼辱先也反被嗤笑知復何言伯鳳等慚而退

隋李孝身為給事中于時黃門侍郎高乾親要用事求婚孝身孝身拒之

辛德源仕周為宣納上士用因取急詣州會尉迴作乱以為中郎德源辭不獲免遂亡去

蔡允恭大業中為起居舍人其虞世南同為學士煬帝遣勞宮人允恭性真介每以為辱因稱氣疾不肯應命於後稍被踈絕

唐陸明德初王充僭號署散騎常侍漢王師將行束修之禮德服芑苴散臥東壁下王充之子入跪牀前德明對之遺痢音不與語遂移病於成臯杜絕人事後歸國為國子博士

李懷遠字廣德趙郡栢人也早孤貧好學屬文有宗人欲以高蔭相假者懷遠退而嘆曰因人之勢高士不為假蔭求官豈吾本志未幾應四科舉擢第位至兵部尚書門下三品

李勉初為太常少卿肅宗將大用會李輔國寵任意欲勉降禮於已勉不為之屈陰為所抑出汾州虢州刺史

蕭復代宗時為太子僕屬連歲不稔穀價翔貴復家累百口無以自給將鬻昭列別業時宰相王縉聞其林泉之美心歆之乃使弟統誘焉統曰足下之才固宜居左職姑以別業奉吾兄吾兄當以要地處足下矣復對曰僕之鬻舊業以極孀孤儻以美職售之姑姊弟姪受凍餒非鄙夫之願也縉既憾之受斥廢者數年復處之自若

崔縱為全部員外孝弟修飾自以父為元載所排退居十餘年左官外府訖載得罪不求聞達

杜黃裳為太常卿時順宗即位王叔文之竊權黃裳終不

造其門

李藩身中元為秘書郎王紹持權邀藩一相見藩終不就王仲舒韋成秀呂洞輩為郎官朋黨輝赫日會聚歌酒慕藩名強致同會藩不得已一至仲舒輩好為訛語俳戲後召藩堅不去曰吾與仲舒輩終日不曉所共言何也後數人果敗

元止為河南連帥崔光遠從事屬史思明陷河洛止其弟同侍親潛伏林藪克黨誘以高位不出遇害

崔應為滄景從事節度使執恭常欲娶其妹不可遂棄歸洛中執恭御之遣賊就殺不克

常貫之為長安丞德宗末年京兆尹李實權移宰相言其

可否必數日而詔行人有以貫之之名薦於實者答曰是其居人其吾同里函聞賢但吾得識面而舉於上以笏示說者曰實已記其名氏矣說者喜驟以其說告於貫之且曰子今日詣實而明日受賀矣貫之惟唯數歲終不往

李激祖玄珪官至衛尉寺主簿父鈞官至殿中侍御史以母喪不舉流於施州潮時耻其家汙堅守不仕勵志於文學隱嵩山之下讀書為文以自課

宇文籍為監察御史坐王承系貶江陵戶曹至任節度使將議署置之賓筵文籍嘗以君命黜嘗以君命升假榮偷將大非所願也

後唐李敬義德裕之孫居於平泉昭宗之郤洛也徵為司

勲郎中特為河南尹張全義所知給遺頗厚俄而朱溫篡盜誓必不事偽室及溫徵命拒而不應退居衛州

晉庫部郎中李專美少篤學為文以父樞唐昭宗時嘗應進士舉為覆試所洛不許再入專美心愧之由是不游文場遂隱居自守不求仕進也

新刊監本冊府元龜卷之七百八十二

總錄部二十

榮遇

易曰崇高莫於富貴詩曰為龍為光蓋士之趨世者或道
合時主或功濟大業然後享豐祿躋高位澤及于宗黨寵
被于閭壺度越部品垂為美談者斯有之矣若乃出於困
辱奮自卑冗終以貴盛伸其志節以主期運亨會勢望熏
灼明詔敦獎徽美舉集或粲服歸丁故郡或榮養及於庭
闈或展墓以達永懷或即家而為公府至乃父子更任於
劇職宗戚並處於要任以壯齒而躋仕因請老而還舊貫
中外更餞便蕃增秩時君異其恩禮舉將更其出處斯皆

才命胥契福祿未同致光影之振耀聳人倫之欽慕非保
若驚之訓得持盈之道又曷能克終而寡悔哉

蘇秦雒陽人出遊數歲大用而歸兄弟嫂妹妻妾皆笑之
及為縱約長并相六國北報趙王乃行過雒陽車騎輜重

諸侯各發使送之甚衆擬於王者周顯王聞之恐懼使人

効勞賓至迎効君卿蘇秦昆弟妻嫂側耳不敢仰視俯伏

侍取食蘇秦笑謂其嫂曰何前倨而後恭也嫂委蛇蒲伏

以面掩地而謝曰見季子位高金多也蘇秦字季子蘇秦喟然

嘆曰此一人之身富貴則親戚畏懼之貧賤則輕易之况

衆人乎且使我有雒陽郭田二頃吾豈能佩六國相印乎

於是散千金以賜宗族朋友

漢嚴助會稽吳人為中大夫助侍宴從容武帝問助居鄉

里時助對曰家貧為友壻富人所辱友壻同壻也帝曰所欲對

願為會稽太守於是拜為會稽太守

朱買臣會稽吳人字翁子家貧妻求求買臣不能留即聽

去後買臣為會稽太守武帝謂買臣曰富貴不歸故鄉如

衣繡夜行今子何如買臣頓首辭謝初買臣免待詔常從

會稽守邸者寄居飯食拜為太守買臣衣故衣懷其印授

步歸郡邸直上計時會稽吏方相共群飲下視買臣入室

中守邸共共食食且飽少見其綬守邸恠之前引其綬視

其印會稽太守章也守邸驚出語上計掾史皆醉大呼曰

妄誕耳守邸曰試來視之其故人素輕買臣者入內視之

還走疾呼曰實然坐中驚駭曰守丞

漢舊郡國丞相長史與計吏俱選計也謂之守

丞者繫太守而言也

相推排陳列中庭謁拜買臣徐出戶有頃長安

廐吏乘駟馬車來迎

故事大夫乘官車駕駟如今州牧刺史

買臣遂乘傳去

會稽聞太守且至發民除縣長史並迎車百餘乘入吳界

見其故妻妻夫沿道買臣馳車呼令後車載其夫妻到太

守舍置園中給食之居一月妻自縊死買臣乞其夫錢令

葬悉召見故人與飯食往常有恩皆報復焉

司馬相如字長卿蜀郡成都人武帝時以中郎將使至蜀

太守以下郊迎縣令負弩矢先駟蜀人以為寵

薛廣德沛郡相人為御史大夫乞骸骨賜安車駟馬黃金

六十斤罷廣德東歸沛太守迎之界上沛以為榮懸其安

車傳子孫

疏廣為太子太傅兄子受為太子少傅太子每朝因進見

太傅在前少傅在後父子並為師傅廷以為榮

班伯高祖一始皇之末避地於棲煩漢孝惠時以財雄邊

伯後為定襄太守歲餘成帝徵伯伯上書願過郡上父祖

塚有詔太守都尉以下會其所因召宗族各以親疎加恩

施散數百金比州以為榮長老紀焉

後漢馮異潁州武城人為孟津將軍光武建武二年征陽

翟賊嚴終趙根破之詔異歸上冢使太中大夫齎牛酒

令二百里內太宗都尉以下及宗族會焉

景丹馮翊櫟陽人為驃大將軍建武二年定封丹櫟陽侯

光瑒湘州刺史徵為散騎常侍中領軍未拜而武帝從容謂瑒曰昔朱買臣願為大郡卿豈有意乎乃改綬持節安東將軍吳郡太守給鼓吹一部及將之鎮乘輿幸近畿餞送鄉里榮之

梁范云為散騎常侍吏部尚書嘗侍讌高祖謂臨川王宏鄱陽王恢曰我其尚書少親善申四海之敬今為天下主此禮既革汝宜代我呼范為兄二王下席拜其云同車還尚書下省時人榮之

呂僧珍東平范人為左衛將軍領太子中庶子僧珍去家父表求拜墓高祖欲榮之使為本州乃授使持節平北將軍南兗州刺史都慶遠河東解人為使持節都督雍州南北秦四州諸軍事征虜將軍寧蠻校尉雍州刺史高祖餞於新亭謂曰卿衣錦還鄉朕無西顧之憂矣

到洽以天監二年為司徒主簿直待詔省勅使抄甲部書遷尚殿中郎洽兄弟辟從逸居此職時人榮之

王僧儒幼貧其母鬻紗布以自業嘗携僧儒至市道遇中丞鹵簿驅迫溝中及僧儒為中丞引騶溝道悲感不自勝朱异為中書通事舍人遷散騎常侍累迁中領軍异居根要三十餘年歷官自員外常侍至侍中四職並驅鹵簿近代未之有也

張綰為御史中丞舊制元日僕射中丞坐位東西相當大同四年綰兄績為僕射及百司就列兄弟道騶兩途前世

未有也時人榮之

孔休元源初中書舍人司徒臨川王記室叅軍後臨川王為揚州刺史薨高祖與群臣議王代居州任者久之時貴戚王咸望遷授高祖曰朕已得人孔休源實應此選乃授宣慰將軍監揚州休源初臨川王行佐及王薨而管州任時論榮之

劉之焯南郡涅陽人自大學博士出為南郡太守高祖謂曰卿母年德並高故令卿衣錦還鄉盡榮養之禮

陳候安都始興人為司空征北將軍南徐州刺史父文得為始興內史卒於官文帝徵安都還京師為發喪尋起復本官贈其父散騎常侍金紫光祿大夫拜母為清遠國大

夫人仍迎還都母固求停鄉里帝乃下詔改陸陽郡之女城縣為盧陽郡分衡州之始興安遠二郡合三郡為東衡州以安都從弟曉為刺史安都第三子祕年九歲帝以為始興內史並令在鄉侍養

王瑜字子珪早歷清顯三十官至侍中

袁憲為右僕射叅掌選事先是憲長兄樞為左僕射至是臺省目樞為太僕射憲為小僕射朝廷榮之

後魏崔皓白馬公玄伯之長子皓為祭酒每至郊祠父子並乘軒輅時人榮之

畢衆竟為兖州刺史其子元賓亦為兖州刺史父子相代為兖州當甄深山中母極人為征西北將軍定州刺史衣

錦書遊大為稱滿

李憲為散騎侍郎以母老乞歸養憲趙郡平棘人也因拜趙郡太守李元護遼東襄平人為齊州刺史經拜舊墓巡省故宅享賜村老莫不欣暢

崔鴻為尚書兵部郎中宣武詔太師彭城王勰以下公卿朝士儒學才明者三十人議定律令於尚書上省鴻其父光俱在其中時論榮之

孫惠蔚歷國子祭酒秘書監出為平將軍濟州刺史還京除光祿大夫魏初已來儒生塞宦惠蔚最為顯達

董徵頃丘衛國人為輔國將軍除安州刺史徵因述職路次過家買酒高會大享邑老乃言曰腰龜返國人称榮仗節還家云胡不樂因識二三子弟曰此之富貴匪自天降乃勤學所致耳時人榮之

茹皓舊吳人其趙修俱侍直禁中為修所妬出為僕陽太守其父讓之因皓訟理舊勲先除兗州平陽太守賜以子爵父子剖符名邦郡境相接

趙邕南陽人為殿中將軍初邕父怡郢州刺史停家久之以邕寵召拜太常少卿尋為荊州太中正出除征虜將軍荊州刺史邕弟尚中書舍人出除南陽太守怡辭荊州也尚求解郡其父俱還未至京師逆除部兵校尉

陸彰字明遠以衛將除齊州刺史又加標騎將軍行懷州事轉北豫州刺史仍除徐州刺史將軍病如故一年歷三

州當世榮之

房士達清河人為京兆王騎兵參軍其鄉劉鈞房須等作亂攻陷郡縣士達父憂在家刺史元欣以達為將軍達率州人悉破平之就家拜平原太守孝莊帝時轉濟南太守士達不入京師而頴為本州郡時人榮之

楊逸字遵道為西平將軍南秦州刺史年二十九于時方伯之少未有先之者

北齊魏牧字伯起初任後魏節閭時散騎侍郎尋勅典起居注并修國史俄兼中書侍郎年二十六

邢邵字子才仕東魏為太常卿中書監攝國子祭酒是時朝臣多守一職帶領二官甚少邵攝居三職並是文學之

首當世榮之

崔瞻為文宣相府司馬使于東魏孝靜帝其父悛侍宴又勅瞻令近御座亦有應詔詩問邢邵守曰此詩何如其父咸云悛博雅孔麗瞻詞氣清新並詩人之冠冕謙罷且嗟賞之咸云今日之謙本為崔瞻父子

後周楊標正平高梁人魏孝武入閔時為建州刺史鎮車箱標父從軍後以未及葬父至是表請還葬詔贈其父車騎大將軍儀同三司晉州刺史贈其母夏陽縣君並給儀衛州里榮之

蘇亮武功人仕西魏為岐州刺史朝廷以其牧本州特給路車鼓吹先還其宅并給其士三千列為儀衛遊經鄉黨

過故人歡旬日然後入州世以為榮亮自文帝大統以來無歲不轉官一年或至三僉曰才至不怪其速也

赫連達雲中盛樂人仕西魏為師都督封魏昌伯太祖以達勲望兼至乃除雲州刺史進爵為公拜大都督

田弘字廣畧平原人西魏大統中自師都督授原州刺史特以弘勲望兼至故以衣錦榮之

段永仕西魏為常州刺史于時朝貴多其部人謁永之日冠蓋盈路路當時榮之

鄭雛初仕北齊尚書郎趙郡李祖昇兄弟不甚敬憚及楊愔奏雛趙郡太守祖昇兄弟且服往雛門投刺拜謁文宣聞之喜笑曰足見殺李家見矣

李穆除原州刺史又以兄賢子平為郡守遠子為平陽縣令並加鼓吹穆自以叔姪一家三人皆牧宰鄉里恩遇過隆固辭不拜太祖不許

王傑金城直城人仕西魏為驃騎大將軍孝閔踐祚進爵張拔夜公增一千戶出為河州刺史朝廷以傑勲望俱重本州馮遷閔帝時為晉公護府掾以其朝之舊舊欲以錦衣榮之

仍授陝州刺史基本進爵隆山郡公增邑通前二千戶遷本寒微不為時輩所重一旦刺舉本州唯以謙恭接待持鄉人無怨者

令狐整為中外府樂曹參軍時功臣多為本州刺史晉公

謂整曰以公勲望應得本州但朝廷藉公委任無容遠出然公門之內須有錦衣之榮乃以弟休為燉煌太守

劉雄臨洮子城人為內史大夫除侯正高祖常從容謂雄曰古人云富貴不歸故鄉猶衣錦夜遊今以鄉為本州何如雄稽首拜謝於是詔雄為河州刺史雄先以本縣令復有此授鄉里榮之

柳敏河東解人年未弱冠起為員外散騎侍郎累遷河東郡丞朝議以敏之本邑故有此授

唐瑾為蔡州刺史歷姑州硤州轉荊州總管府長史入為部吏中大夫歷御正納言中大夫曾未十旬歷遷四職縉紳咸以為榮

辛威隴州人為鄜州刺史時望既重朝廷以桑梓榮之遷河州刺史本州大中正

薛慎為膳部下大夫慎兄善又任工部並居清顯時人榮之王士良其先太原晉陽人後因避地涼州初仕齊為豫州刺史後歸周為鄜州刺史轉金史士良去鄉既久忽臨本州舊老故人猶有存者遠近皆以為榮

李遷哲安康人世以為山南豪族後以車騎將軍從開封府賀若

郭徇地巴濮以功除直州刺史即本州也仍給軍儀鼓節柳檜為撫軍將軍大都督時檜兄虬為秘書丞弟慶為尚書左丞檜嘗謂兄弟曰兄則職典簡牘褒貶人倫弟則管

轄郡司股肱朝廷可謂榮寵矣然而四方未靜車書不一
檜唯當蒙天石履危難以報國恩耳

隋劉弘彭城人初仕北齊西楚州刺史及齊亡周武帝以
為本郡太守

田式字顯 驃騎翊下邳人祖安與父長樂仕魏俱為本
郡太守式仕周文為本郡太守

蘇威煬帝時為納言與左翊衛大將軍宇文迷黃門侍郎
裴矩御史大夫裴蘊御史侍郎虞世基叅掌朝政時人稱
為五貴從征遼東還至涿郡詔威安撫關中以威孫尚輦
直長隈為副其子鴻臚少卿夔先關中簡默大使一家三
人俱奉使關右三輔榮之

樊子蓋廬江人為武威太守朝於江都宮煬帝謂之曰富
貴不還故鄉真衣繡夜行其勅廬郡設三千人賜米麥六
千石使謁墳墓宴孤老當時榮之

來護兒江都人為右翊衛大將煬帝幸江都謂護兒衣錦
晝遊古人所重卿今是也乃賜物二千段并牛酒令謁先
人墓宴鄉老仍令三品以上並集其宅酣飲朝野榮之

唐張鎮州同安人武德中為舒州都督舒州即其故邑也
鎮州乃多市酒斝就望江舊宅盡召故人親戚其之酣飲
散髮箕踞叙疇昔之歡十日賜以金帛既而垂泣謂親賓
曰此者張鎮州與故人為歡今日已後舒州都督治百姓
耳君民禮陽不得交遊因其之訣

姜謩秦州上邽人武德初平薛仁果拜秦州刺史高祖謂曰衣錦還鄉古人所尚今以本州相授用答元功涼州之路近為荒梗宜引荒畧有以靜之謩至州撫以恩信人相謂曰吾輩也復見太平官府矣賊盜悉來歸首士庶安之張士貴引農盧氏人武德中以戰功授虢州刺史高祖謂曰欲卿衣錦晝遊耳

溫大雅武德元年為黃門侍郎弟彥將為中書侍郎對居近侍儀者榮之高祖從容謂曰我起義晉陽為卿一門耳張行成定州義豐人為邢部侍郎太子詹事遼東之後太子於定州堅國即行成本邑太子謂行成曰今者送公衣錦還鄉於是令有司祀其先人墓

薛莫與從父兄子元敬俱為文學館學士賈敦實為饒陽令時制大功以上不得聯職敦實兄敦贖後為瀛州刺史朝廷以其兄弟謙謹許令同州竟不遷替時人榮之

劉禕之為左史孔文舒直學士時又密令參決以分宰相之權別時人謂之北謂門學士禕之兄懿之時為給事中兄弟並居西省論者美之

韋丞慶弟嗣立則天長壽中始代丞慶鳳閣舍人長安三年丞慶又代嗣立為天官侍中頃之又代嗣立知政事時以為榮蘇頌中宗神龍中累遷給事中加修文館學士轉中書舍人時頌父懷同中書門下三品父子同掌樞密時

以為榮

賀知章為秘書監請度為道士求還鄉里天保三載正月
庚子遣左右相以下祖別於長樂坡帝賦詩以贈

李峴信安王偉之第三子肅宗至德中為京兆尹兼御史
大夫時峴兄峘為戶部尚書兼成都日乾元初去宗還京
峘自蜀至又兼御史大夫兄弟俱在判臺事自國初以來
兄弟並拜大夫未有此時長安士庶皆賦詩美之

干休烈嗣子益次子肅相聯為翰林學士

歸崇敬德宗興元初為散騎常侍宣慰兩河及還上表請
歸拜墓許之賜以贈帛儒者榮之

楊懷賓其子朝冕並為邠寧節度使韓遊環碑將父子

同軍皆為開封府賓客御史中丞異姓王榮以軍中

陸贄為翰林學士時贄母韋氏在江東德宗遣中使迎至
京師縉紳榮之

吳通微自壽安縣令入為全部郎中兼翰林學士尋改職
方郎中知至誥與弟通去同職禁署士人榮之

趙宗儒為右拾遺翰林學士父驛為秘書少監其父並命
出旨當時榮之

田弘正自魏博節度移統鎮冀其子布文為河東三城懷
州節度父子同日拜命皆領節

崔邠為吏部侍郎兄弟同時奉朝請者四人後改太常卿
故事太卿初上大開四部樂於官署觀者縱焉邠私第去

帽親 母輦公卿逢者迴騎避之異路以為榮
王鐸為營管經畧嶺南淮南河中太原四任節度受符節
居方面凡二十餘年仍領同平章事

柳公綽為吏部侍郎與舅左丞崔徒同省人士榮之
孫德紹其孫丞誨董從實以及正功德紹為檢校太保靜
海軍節度使丞誨邕州節度使並同平章事時人喚為三
使相思澤俱冠世

後唐張全義為忠武節度全義於朝迨朱氏之世自尚書
僕射司空司徒平章事中守太傅太保太尉中書令尚書
令封王食邑至一萬三千戶自洛鄆陝滑宋三蒞河陽再
領許州相繼十換麾幢歷二十九任位冠人臣善保終吉

者一人而已

李琪與班况俱登進士第為梁太祖所知及革命以班為
榮政學士琪為翰林學士昆仲並處禁林

康思立本出陰山諸部性純厚善撫御明宗素重之故即
位之始以應州所生之地授焉

封舜卿為中書舍人從子謂為翰林學士叔姪封掌內外
制又從子翹仕梁亦為翰林學士

晉留初仕後唐為兵部侍郎端明殿學士長興四年行中
書侍郎兼刑部尚書平章事入謝曰遇大祀明帝不御中
興殿朐至中興殿門閣門使曰舊禮宰臣謝恩須於正殿
通呼今日上大祀不坐正殿請候來日樞密使趙延壽

曰命相之至下已三日中謝無宜後時即奏聞昫遂中謝於端明殿廷昫自端明學士拜相而謝於本殿人士榮之孔宗弼初仕後唐自吏部郎中授給事中時族兄昫序由給事改左常侍中兄弟同門下時論榮之

王建立為昭義軍節度使進封韓王仍割遼沁二州為昭義屬郡以建立本遼州人用成其衣錦之美也

漢龍敏幽州永清人也初仕後唐為御史中丞敏父咸式年七十歲式之父年九十餘供養二尊朝夕無懈咸式以敏任貴得秘書監致仕敏為兵部侍郎奉使幽州鄉里耆舊留宴盡歡

新刊監本冊府元龜卷之七百八十二

新刊監本冊府元龜卷之七百八十三

總錄部

世德

兄弟齊名

世德

詩曰維其有之是以似之傳曰世濟其美不隕其名斯皆錫羨餘慶象賢秉哲奕世載德克篤前烈之謂也中代以降宗胄派別家諜系譜參諸簡冊乃有學古從政繼志隆業貞固以幹事端謹而植操篤守忠孝敦尚儒雅方正無撓讓恭不競奉身以約處眾以廉行能傑出智用周達義風英烈輝映前後以至爵秩通貴名望允塞無忝其祖能世其家素業弥邵芳聲載路為論者之嘆服增士倫之景

行信可以懲激凶駮而敦厲衰緒者矣

隄叔子違周難以晉國生子與為大理也士為以正於朝朝

無姦官為司空以正於國國無敗績亡及武子仇文襄於

諸侯諸侯無一心士為生成伯雞

漢石奮孝文時官至中大夫恭謹舉無以比長子建次乙

次慶皆以馴行孝謹至二千石

全日殫武帝時為侍中著忠孝節日殫子安步亦為侍中

惇篤有忘安步子敞元帝時為中郎將侍中帝宴駕故事

近臣皆隨陵為園郎敞以世名忠孝太后詔留侍成帝為

奉車水衡都尉敞為人正直敞子涉明經節儉諸儒稱之

官至長信少府

王崇為大司空御史大夫駿之子昌邑中尉吉之孫也自

吉至崇世名清廉然才器名稱稍不能及父而祿位弥隆

翟方進經學明習內行修飾成帝時為丞相子宣亦明經

敦行君子人也及方進在為閔都尉南郡太守言方進未死之時宣

以為方進少子義所居著名有父風烈

後漢廉范曾祖父褒成哀間為右將軍祖父丹王莽時為

大司馬庸部牧有皆名前世

陸康字季寧吳郡人父褒有志操連徵不至康少仕郡以

義烈稱

桓榮子郁郁孫鳶曾祖彬郁中子焉孫典鳶孫擘都孫麟

並有名行自榮至典父子兄弟代作京師爰延清苦好學

能通經學慤質少言桓帝時位大鴻臚子驥白馬令亦稱善士

郭賀字喬卿雒陽人也祖父堅伯父游俱並修清節不仕王莽

周牽子勰曾祖楊至勰孫恂六世一皆知名舉官終官祿大夫仇覽三子皆有文才少子玄最知名覽嘗為考城主簿

陳球歷世著名為永樂少府球子瑀吳郡太守瑀弟宗汝陰太守弟子珪沛相珪子登廣陵太守並知名謝承書尚

公府洛陽沛長後辟大尉府未到永漢元年就拜議郎遷吳太守不之官球猶子珪字漢瑜奉孝廉列令去官封茂才沛相珪子登字元龍李通今古出身修理非法不行性無文武有異畧雄姿一領廣陵太守魏志曰珪在廣陵有威名有功加伏波將軍年四十卒

楊震少子奉奉子敷篤志博聞議者以為能世其家震中子秉秉子賜賜子彪自震死彪四世太尉德業相繼與袁

氏俱為東京名族華嶠書曰東京楊氏袁氏累世宰相為漢名族然袁氏車馬衣服極為奢僭能守家風為世所貴不楊氏也

伏湛琅邪東武人九世祖勝所謂濟南伏生者也湛先武時為大司徒封陽侯卒二子隆翁嗣爵翁卒子光嗣光卒

子晨嗣晨卒子無忌嗣無忌卒子質嗣質卒子完嗣自伏生已後世傳經學清靜無競故東州號為伏不鬪

徐穉字孺子章南昌人恭儉義讓所居服其德屢辟公府不起卒子裔篤行孝弟亦隱居不仕

陳禪巴郡安漢人仕功曹舉善黜惡為邦內所畏至順帝

時為司隸校尉子澄有清名官至漢中太守曾孫寶亦剛
壯有禪風為州別駕從事顯名州里

李固漢中南郡人父邵為司徒邵通五經外質朴人莫識
固究墳籍結交英賢四方有志之士多慕其風而來學京
師咸嘆曰是復為李公矣言復繼其父為公冲帝即位以固為太

尉典梁冀叅祿尚書事及帝宴駕固以清河王蒜年長有
德欲立之冀不從乃立樂安王子續年八歲號為質帝固
子熒為安平王相是年安平王續為妖賊所略國家贖王
得還朝廷議復其國熒上奏曰績治國無政為妖賊所虜
守藩不稱損辱聖朝不宜復國時議者不同而績竟歸藩
以謗毀宗室輸作佐尉未滿歲果王坐不道被誅乃以熒

為議郎京師語曰父不肯立帝子不肯立王

吳祐長子鳳官至樂浪守少子愷新息令鳳子馮嗣陽侯

伯嗣陽縣屬汝南郡皆有名於世陳晉耆舊傳曰鳳字君雅鳴字子高

陳寔為太丘長子紀為大鴻臚紀子郡為魏司空郡子秦
為右僕射四世於漢魏二朝並有重名而其漸漸小減時
人為之語曰公慙卿卿慙長紀弟湛字季方其紀齊德同
行父子普著高名時號三公每宰府辟召常同時旌命羔
寫成郡當世著美靡不榮之湛早終先質行杖曰預州百城皆圖畫是湛形像焉

荀涉字季和潁陰人少有高行博學而不章句鄉里知名
有子八人號曰八龍緄生衍衍子紹位至太僕紹子融字

伯雅與王弼中會俱知名為洛陽令大將軍事與弼會論

事名義傳於世荀子家傳曰憚字長清寓字叔清悅字愛清寓字景伯世語寓與裴楷王戎杜默俱

有名京邑仕晉位至尚書名顯著子羽嗣位至尚書

魏鮑勛漢司校尉宣之九世孫勛父信靈帝時為騎都尉

信父丹官至少府侍中世以儒雅顯

袁渙陳郡扶樂人漢司徒滂之子滂素寡欲終不言人之

短渙清靜舉動必以禮太祖時為郎中令行御史大夫事

渙子侃亦校而不犯善與人交在廢興之間人所趨務者

常讓退不為也時人以善稱之歷位黃門選都郎號為清

平稍廷至尚書早卒寓字宣厚辯有機理好道家之言少

被病求官而卒與字公榮行足以厲俗言約而理當終於

光祿中準字臣忠信不耻不惟恐人之不勝已以世事多

儉故常治退而不敢求進著書十餘萬言論治世之務為

周易官詩傳於世皆準之自序也荀綽九州紀稱準有禱

木秦始中為事中袁氏子孫世有名位貴遺之今

劉馥沛國相人漢末為楊州刺史靖文帝黃初中為鎮北

將軍靖子熙嗣建成卿侯熙弟引晉武帝時為騎大將軍

自馥至引世不曠名而有政事才

弟嶠才學深博少有令聞為內臺中書散騎著作虞子緄

清真簡正位至侍中尚書

羊祐字叔子太山南城人世吏二千石至祐九世並以清

德聞祖績仕漢陽太守父衡上黨太守祐位征南大將軍

胡威父質以忠清著稱仕魏至荊州刺史威早勵志而質之為荊州也威自京定省十餘日告歸父賜絹一疋為裝威曰大人清高不審於何得此質曰是吾俸祿之餘威受之其父子清慎如此

盧欽范陽涿人位尚書僕射祖植性剛毅有大節為漢侍中父毓魏司空少居名位不顧才利清虛淡泊動循禮典欽清澹有遠識

范粲字承明陳留外黃人漢末蕪長丹之孫也高亮真有丹風

東哲字廣微祖混隴西太守父翕馮翊太守並有名譽韓壽魏司徒暨之孫侍御史洪之子自暨以下世治素業

壽能敦尚家風

龔玄之武陵漢壽人也好學潛默州舉秀才公府辟不就武帝詔徵散騎常侍領國子祭酒不行弟子元壽亦有德操高尚不仕舉秀才及州辟召並稱疾不常以大學博士散騎常侍郎給事中累徵遂不起

許竒字子恭弟猛子豹魏尚書充之子也並有治理才學竒為司隸校尉猛為幽州刺史竒子遐字思祖以清尚稱位至侍中猛子式字儀祖有才幹至濮陽內史平原太守侍中次宏字終嘏至太常次漢字仲嘏至光祿大夫漢清冲有劉邠本名炎犯晉太子諱改為邠位至太子僕子粹自純嘏至貴識名亞於樂廣宏子咸徐州刺史次耽晉陵

內史耽子耿字真長隱丹陽為興名士也

管寧北海朱虛人齊相管仲之後其先田氏有齊而管氏去之或適魯或適楚漢興而管少卿為燕令使家譜虛世有名節九世而生寧正始中特具安車蒲輪束帛加璧聘為會寧卒

鄭渾字文公河南開封人高祖父眾為漢太師眾父興為諫議皆為名儒渾官至侍御史加附馬都尉為陽平沛郡二太守

蜀張翼犍為武陽人高祖父司空浩曾祖父廣陵太守綱皆有名翼位至左單騎將軍鎮冀州刺史

譙州巴西充國人也貌肱專朴惟性不飾識潛內敏晉秦始中拜騎都尉少子同亦以忠篤質素為行舉孝廉

謝暉幼以仁孝為行明達有才令弟身履蹈舞篤學尚義孝廉

吳虞翻會稽餘姚人官至騎都尉子記最知名為散騎常侍弟忠貞固幹事為宜都太守忠子潭字思奧清身有檢操外如退弱內堅正有膽幹仕晉歷位內外終於衛將軍賀齊為將子達及景皆有令名為嘉將

陸遜吳郡吳人為上大將軍祖紆字升盤敏叔有思孝守城門校尉父駿字秀才淳懿信厚為邦族所懷官至九江都尉

晉華表平原高唐人父歆清德高行魏太尉表以苦節垂

名官至太常卿子廙孔敏有才義廙位光祿大夫開封府儀同三司

裴秀河東聞喜人時稱後進領就袖位僕射秀子顏雅有遠識為僕射顏子嵩有父祖風

庾峻潁州馮陵人也祖秉才學洽聞漢司徒辟有道徵皆不就伯父嶷中正簡素仕魏為太僕父道廉退貞固養之不侍牛馬有蹄齧者恐傷人不貨於市及諸子貴賜拜太中大夫峻少好學有才思常游京師聞魏散騎常侍蘇林有疾在家往候之林嘗就秉學見峻流涕良久曰尊祖高才而性退讓慈和汎愛清靜寡慾不營當世惟修德行而隲陵田五六萬戶聞今裁有數君百二父孩抱經亂獨至今日尊伯為當世令器君今弟兄復俊茂此尊祖積德之所由也位至常侍潘尼位太常卿祖曰助漢東海 祖父湍平原內史並以學行稱

郭荷字承林洛陽人六世祖整漢安順之世公府八辟公車五徵皆不就自整及荷世以經學致位荷明究群籍特善史書不應州郡之命

楊佺期弘農華陰人漢太尉震之後曾祖準為太常自震至準七世有名焉

祖林少有才望值亂沒胡父亮少仕魏後歸國終為梁州刺史以貞幹知名

袁質陳郡陽夏人五世祖漫魏郎中令自漫至質並以道

素維業惟其耽以雄豪著及質又以孝行稱歷琅邪內史東陽太守劉邁琨之祖也有繼國之才為相國叅軍散騎常侍琨父潘清高冲儉位至光祿大夫

滿奮寵之孫也寵仕魏為太尉奮官至尚書令司隸校尉性情平有識檢躰量通雅有寵風

吳隱之為廣州刺史清操愈厲常食不過菜及乾魚而已子延之復厲清操為鄱陽太守延之弟及子為郡縣者以廉慎為門法雖才學不逮隱之而孝弟潔敬猶為不替

王承字安期父湛祖昶至承世有高名論者以為祖不及孫孫如父承為元帝鎮東府從事中郎而卒

孔輸字敬康會稽山陰人其先世居梁國曾祖潛太子少傅僕射避地會稽因家焉祖竺吳豫章太守父恬湘東太守從兄侃大司農俱有名江左

翟陽尋陽人也篤行純素仁讓廉潔康帝以散騎常侍徵不至子莊公車徵不就莊子矯亦有高操屢辟命矯子法賜孝武帝以散騎郎徵亦不至世有隱行

戴逵累徵散騎常侍不就逵卒長子勃有父風安帝義熙初以散騎侍郎徵亦不起

范宣高潔不就徵常以講誦為業子輯歷郡守國子博士大將軍從事中郎自免亦以講授為事義熙中連徵不至

宋遠湛字士深陳郡陽夏人也祖耽歷陽太守父文質琅邪內史並知名

南齊劉焮沛國相人也晉丹陽尹琰六世孫琰少清遠有
奇操為政清整焮舉秀才丹陽尹袁粲於後堂夜集焮在
坐粲指庭中柳樹謂焮曰人謂此樹是劉尹時樹每想高
風今復見卿清德可謂不衰矣

潘詞為高平太守有清節子亮為昌盧令亦著廉名
郭原平有孝行為鄉里所宗父世道亦以孝行族表門閭
原平三子一弟並在門行長子伯林奉孝廉次子靈馥儒
林祭酒皆不就

王秀之祖裕性真正徐羨之傳亮當朝裕不與來往及致
仕隱吳興其秀之父瓚之書曰吾欲使汝處不就之地瓚
之歷官至五兵尚書未嘗詣一朝貴江湛謂何偃曰王瓚
之今便是朝隱及柳元景顏師伯令侯貴要瓚之竟不候
之至秀之為尚書又不與令王儉欵按三世不事權貴特
人稱之

梁劉焮字士光祖乘民宋冀州刺史父懷慰齊王負郎為
二千石皆有清名

王志字次道琅邪臨沂人祖曇首宋左光祿大夫豫章文
侯父僧虔齊司空簡默穆公並有重名

謝朓字敬冲陳郡陽夏人也祖孔微宋常卿父莊右光祿
大夫並有名前代

傅岐字景平北地靈州人祖琰齊世為山陰令有志能自
縣擢為益州刺史岐武帝時歷山陰建康令亦有能名官

至驃騎諮議

陳張稚少孤介特立為太常卿子周還為司農廷尉卿所歷並以清白稱

蕭弘宗族子弟多以行名弟彤以性靜好學官至太子中庶子南康王長子密字仕幾幼而聰敏博學有文詞祖琛梁特進少侍郎誤有縱橫才弘為吏部郎中

後魏穆壽父封觀宜都王明元時總攝朝政事無巨細皆關決焉壽明敏有父風大愛重之擢為下大夫

張蒲字玄則河內修武人父攀慕容垂御史中丞兵部尚書以清方稱蒲少有文風頗涉文史以謹端見知為相州刺史卒

盧度世寧朔將軍無散騎常侍玄文子也少以孝行為時流所重子淵昶等並循父風遠近親疎屬叙為尊行長者莫不異拜致敬閨門之禮為世所推度世為清州刺史卒後周張元字孝始河北芮州城人祖成假平陽郡守父廷儔仕州郡累為功曹主簿並以純至為鄉里所推元性謙謹者有行不仕而卒

王褒字子淵曾祖儉齊侍中太尉南昌文尉公祖騫梁侍中金紫光祿大夫南昌安侯父規梁侍中左民尚書南昌章侯並有重名於江左

唐蕭德言曾祖思話齊尚書右僕射祖介梁都官尚書父引陳吏部侍郎並有名當代德言官終銀青光祿大夫

虞世南字伯施越州餘姚人祖檢梁始興王諮議父荔陳太子中庶子俱有重名世南終秘書監

褚亮子休明為銀青光祿大夫弘文館學士曾祖禋梁御史中丞祖蒙太子中書舍人父玠秘書監著前史

韋虛心父維為左庶子伯湊河南尹皆以忠正聞虛心舉孝廉累至侍御史中宗時推按人獄僕射竇懷忠侍中劉幽來意欲寬假虛心堅執法令有不可奪之志

于休烈官至工部尚書卒嗣子益次子肅相繼為翰林學士父子儒行著聞肅子教以世家文史盛名志行三為列曹侍郎

崔渙博陵人祖玄暉父瓌並先朝名臣渙少以士聞博綜

經籍尤善談論累遷尚書司門員外郎

楊綰字公權華陰人祖溫玉則天朝為戶部侍郎國子祭酒父侃開元中禮泉令皆以儒行稱綰終於相位

穆贇河南人父寧有名節贇雅嗣其門風終於宣州觀察使李藩少恬淡修儉雅容儀好學祖番及曾祖至遠以志行名重一時父承為潮南觀察使亦以名藩為相終

高霞寓范陽人祖仙父栖鶴皆以孝聞凡五代同爨德宗朝採訪使洪絪綸奏旌其門至今鄉里共稱其事霞寓位至右金吾衛大將軍蕭俛官至左僕射致仕家代有忠節祖父國初宋國瑀肅宗朝徐國公華德宗門下事侍郎平章後悉以剛鯁不附邪倖載名國史至俛之行止當澆末

嚮競之俗可謂冠被當時比肩於前代之臣

薛廷老故給事中存誠之子存誠憲宗時有重名廷老少有令譽頗父風文宗初為右拾遺

後唐崔恊曾祖邠為太常卿祖瓘吏部尚書咸有名德朝議稱仰恊終於相位

晉鄭受益唐宰相餘慶之孫也餘慶生瀚瀚生從黨從黨兄處誨為沐州節度使家襲清儉深有士風中朝禮法以鄭氏為甲處誨生受益受益以文學致身累歷臺閣兄弟各名天以剛健純粹之氣賦於人者幾希而昆弟競美益為希矣乃有善慶之胄群英間出同氣至親馳聲並駕或以行義著或以才操聞或以吏幹俱仕或以五經皆用或

孝友藹於宗黨或風規邁於濟伍詵詵之盛幾至於七八者焉詩曰原隰裒矣兄弟求矣蓋原隰相聚而能定高下之名兄弟相求亦能立榮顯之譽三代而下咸用詮次焉

周有八士伯達伯适仲突仲忽叔夜叔夏季隨季騶

生八子皆為顯士

蘇秦弟蘇代蘇厲兄弟三人皆游說諸侯以顯秦終於齊相漢季布楚人為任俠有名弟季心氣蓋閩中遇人恭謹為任俠當是時季心以勇布以謀閩中布位河東守

鴻立與兄野王相代為西河上郡太守民歌之曰大鴻君小鴻君兄弟繼踵相因循聰明賢知惠吏民政如魯衛德化鈞周公康叔猶貳君

鄭昌字次卿弟弘字穉卿俱明經通法律政事昌為太原
涿郡太守弘為南陽太守皆著治教條法度為後所述

後漢馬嚴字威卿援之子仕郡督郵援常與計議委以家
嚴弟敦字儒卿亦知名援卒後嚴乃其敦俱歸安陵居鉅
下三輔稱其義行號曰鉅下二卿

韋義字季卿京兆杜陵人兄順字升文為平輿令有高名
次兄豹字季若

賈彪字偉節兄弟三人並有高名而彪最著故天下稱曰
賈氏三虎偉節最怒彪位新息長

劉方寵之弟為山陽太守有二子岱字公山繇自正肱兄
弟各名稱平原陶洪薦繇欲令茂才刺史曰前年奉公山
蔡何復奉正禮洪曰君使明君用功山於前擢

正禮
途 於何所謂御二龍於長
驥 於千里不亦可乎

荀叔字季和為朗陵令有子八人檢緄靖壽注爽肅專並
有稱時人謂八龍或問汝南許章曰爽其靖孰賢章曰皆

王也慈明外朗叔慈內潤慈明爽字升
慈靖字也

許邵字子將潁川平輿人其兄處並知名汝南人稱平輿
淵有二龍焉平輿故城今潁州汝陽縣
東北有二龍卿月旦里又邵與從兄靖少

俱知名並有人倫臧否之稱邵司空陽彪辟舉方正敦樸
皆不就

陳紀及弟諶皆有盛名冠當時位大鴻臚

魏司馬即字伯達懿字仲達孚字升達植字季達恂字顯
達進字惠達通字稚達敏字要達俱知名故時號為八達焉

兖州刺史應邵弟恂子瑒弟瓌咸以文章顯邵位袁紹將軍謀校尉蜀諸葛喬字伯松亮兄瑾之第二子也本字仲慎其兄元遜俱有名於時論者以為喬才不及兄而學業過之喬後拜附馬尉

李朝字偉南弟邵字永南又一弟早亡各有才望時人號之曰李氏三龍

馬良字季常襄陽宜城人兄弟五人並有才名鄉里為之諺曰馬氏五常白眉最良眉中有白毛故以稱之良位侍中晉繆休祖安平獻王外孫也其從兄播名譽畧齊休祖位太僕卿

張載字孟陽弟協字景陽亢字季陽皆有重名亢才藻不

逮二昆亦有屬綴又解音樂伎術時人謂之三張載位中書侍郎

陸機字士衡弟雲字士龍吳丞相抗之子元弟兄齊名雲雖文章不及機而特論過之號曰二陸太康末其弟雲俱入洛造太常張華素重其名如舊相識曰伐吳之後利獲二君後機位平原內史

武陵字元夏沛國竹邑人沉敏有器量早獲時譽二弟韶并夏茂季夏並總角知名雖諸父兄弟及鄉里宿望莫能覺其優劣同郡劉公榮有知人鑒常造周見其三子焉公榮曰皆國士也元夏最優有輔國之才陳力就列可謂為亞公叔夏季夏不減常伯納言也陵位開封府儀同三司

束哲字廣微博學多聞其兄璆俱知名哲位尚書郎
王尊二弟穎敞少其尊俱知名時人以穎方溫太真以敞
比鄧恂尊位至丞相

胡奮兄弟六人兄廣兄烈並知名廣字宜祖位至散騎常侍
劉宏字終嘏為光祿勳兄粹字純嘏為侍中弟潢字冲嘏
吏部尚書並有名中朝時人語曰洛中惟有三嘏

桓嗣字恭祖征西大將軍豁弟冲之子少有清譽其豁子
石秀

戴法興二兄延壽延其並修立延壽善書法其好學山陰
有陳載者家富有錢三千萬鄉人咸云戴碩字二兒敵陳
載三千萬錢法其位越騎校尉

南齊沈冲其兄琰淵名譽有優劣世號為腰股兄弟冲位
五兵尚書

陸惠曉三子僚任儒並有美名時人謂之三陸初授惠曉
兖州三子依次第各作一讓辭並雅麗時人嘆服

梁張稷性踈率即悞有才畧其族兄充融卷等俱知名時
稱之曰充融卷稷是為四張稷位鎮北將軍

樂法才字元倫與弟藏俱有美名法才位江夏太守
劉溉少孤貧其弟治俱聰敏有才學早為任昉所知由是
聲名益廣位散騎常侍

常藪其兄纂闡並早知名藪位護軍

王筠字元禮清淨好學其從兄泰齊名陳郡謝覽覽弟集

亦有重譽時人為之語曰謝有覽舉王有養炬炬是泰養是筠小字也位太子詹事

謝舉字言揚中書令覽之弟也幼好學能清言其覽齊名覽當時宴華林園高祖問舉於覽覽對曰識藝過臣甚遠惟飲酒不及於臣高祖大悅江淹一見並相欽挹曰所謂馭二龍於長途者也舉位至尚書令

劉孝綽之弟孝勝其兄孝儀弟孝威孝先並善五言詩見見重於世孝綽嘗云三筆六詩三孝綽又其從弟孺苞齊

名苞早卒孺亦貴顯並為桓氏子姪之冠嗣位江夏相

顏含三子髦為侍中光祿勳謙至安城太守約零陵太守並有聲譽苞闔苞家太寧中過江明帝常從容問王廣曰

二荀兄弟孰賢廣答以闔才明過邃帝以語庾亮曰邃真粹之地亦闔所不及由是議者莫能定其兄弟優劣

卞粹字玄仁以清辯鑒察稱兄弟六人並登宰府世稱卞氏六龍玄仁無雙

解系並弟結育並清身潔已甚得聲譽系至雍州刺史

王珣小字法護弟珉小字僧珍少有才藝善行書名出珣右時人為之語曰法護非不佳僧珍難為兄珣為散騎常侍

孔安國廣州刺史江之弟年小諸兄三十餘歲群從諸兄並之才名以富彊自立唯安國其注少厲孤貧之操注既以直亮稱安國亦以儒素顯安國位至左僕射

宋王球字倩玉琅邪臨沂人太常惠從父弟其惠齊名球

位尚書僕射

張暢字少微吳郡人少其從兄敷齊名為後進之秀暢位至會稽太守

張岱吳郡人少其兄太子中書舍人演新安太守鏡征北將軍永弟廣州刺史辨俱知名謂之張氏五龍演鏡名最高永辨岱不及也

劉善明為青冀二州刺史弟僧副俱知名於州里
孝綽位秘書監

蕭子範少其子顛子雲才名畧相比而風采容止不逮故官途有優劣每讀漢書杜緩兄弟五人至大官惟中弟欽官不至最之官常吟風之况已也子範位光祿大夫

江革為記室參軍弟覲為行參軍兼記室時吳興沈豹樂安任昉並相賞重昉其革書云此段雍府妙選英才文房之職總卿昆季可謂馭二龍於長途駟騎驥於千里

柳惔世隆之子少其長兄悅齊名王儉謂人曰柳氏二龍可謂一日千里儉為尚書左僕射嘗造世隆謂為諸已徘徊久之及至門惟求悅反見惔遂謂世隆賢子俱有盛才名裴子野字幾原河東聞善人兄黎弟楷綽並有盛名所謂四裴也子野位鴻臚卿

徐嗣徽及弟嗣宗並有武用

王銓雖學業不及弟錫而好行齊焉時人以為銓錫二王可謂玉昆金昆錫位至吏部郎中

顏恂二子之儀之推並早知名之推承聖中任中書舍人
薛暉為領軍將軍有六子子建子尚知名

岑善方為起部尚書有七子並有操行之元之利之象最
知名

陳陸瑜字幹玉少篤學美詞藻為東宮學士兄琰時為管
記並以才學娛侍左右時人比之二應

杜崩兄弟五人兄嵩岑嶷嶷岸及弟幼女並知當位崩位
江州刺史後魏嵩湖字太淵渤海蓀人少機敏有器度其
兄韜俱知名於時雅為鄉人崔逞所敬異湖位至寧西將軍
尉地千為侍輩即奉上忠謹弟侯頭龍襲地千職為庫部尚
書侯頭弟力斤亦以忠謹聞歷位御史中尉

李順其從兄震從弟孝伯並以學識器業見重於時故能
砥礪宗族競各修尚順位安西將軍

陸暉字道暉其弟恭之並有時譽洛陽令賈禎見其兄弟
嘆曰僕以年老更覩雙璧又兄弟共候黃門即孫惠蔚謂
諸賓曰不意二陸復在坐隅吾得謝張公無以延譽

劉休賓字處幹北海人少好學有文才兄弟六人乘氏延
和等皆有時譽休賓位懷寧令

陽鳴鵠其弟季智俱有名於時前後並為幽州司馬

崔勵為中書侍郎其從兄鴻俱知名於世

崔亮字敬儒為散騎常侍有三子士安士和士泰並以疆
幹善於當世士安位諫議大夫

尹修為太原太守弟家遼西太守兄弟皆有政事才
楊大眼有三子長甌生次領軍次征南皆潘氏所生氣幹
咸有父風大眼位荊州刺史

高嵩為洛陽令子謙之為河陰令損益致休為多故事謙
之弟道穆為御史亦有能名

北齊李瑾六子彥之情之壽之禮之行之凝之並有氣望
行之典兄弟深相友愛又風素夷簡為士友所稱范陽盧
思道是其舅子嘗贈詩云水衡稱逸人潘陽有世親形骸
預冠蓋心思出風塵時人為實錄瑾位至光祿大夫

司馬子結兄弟三人皆涉文學楊休之收西充子廉子尚
子結其諸朝士各有詩贈楊揔一篇酬答即詩云三馬俱

白眉者子結為南陽王管記

王昕兄弟九人並風流蘊籍世號王氏九龍昕位銀青光
祿大夫

盧升武其兩兄觀仲並以文章顯於洛下升武散騎常侍
韋道遜其兄道密道建道儒並以文章知名位右光祿大夫
宋世良其弟世軌俱有孝友之譽

後周裴寬儀貌瓌偉博淑群書弱冠為州里所稱其二弟
漢居並知名寬位淑州刺史

寇雋字祖雋上谷昌平人性寬雅幼有識量好學強記兄
祖訓祖禮及雋並有志行雋為驃騎將軍

蘇亮少其從弟綽俱知名然綽文章稍不逮亮至於經書

進趣亮又減之故世稱二蘇亮弟湛字景雋少有志行與亮俱著名西土亮位衛將軍南汾州刺史

隋杜正玄字慎徽鄴人聰敏博淑多通弟正臧字為善好學善屬文兄弟數人俱未弱冠並以文章才辯籍甚三河之間大業中應詔舉秀才兄弟三人一時詣闕論者榮之正玄位豫章王記室

尹正卿弟彥卿河間人俱有雋才名顯於世

賀德仁越州人少與兄弟基俱是國子祭酒周弘正咸以詞學見稱時人語曰學行可師賀德基文質彬彬賀德仁兄弟八人時人方之二陸荀氏德人弟子紀數亦以博學知名德仁為趙王友

即餘令祖楚之少與兄蔚之俱重名隋大業中蔚之為左丞楚之為尚書民曹即煬帝重其兄弟稱為二郎

溫彥博兄弟三人父友薛道衡李剛見之曰皆卿相也彥博位至中書侍郎

薛萬徹父世雄大業末卒于涿郡太守萬徹少與兄萬均隨父在幽州俱以武畧為羅藝所親侍位寧州刺史

杜正倫相州洹水人隋仁壽中與兄正玄正藏俱以秀才擢第才摠十人正倫一家有三秀才甚為當時稱美仕至中書令

張昌宗冀州南宮人少與昌兄齡俱以文詞知名昌宗位至春官侍郎

溫大雅性至孝少好學以才辯知名季弟大存字彥將聰
明好古幼有令譽才學亞於二昆而篤行過於大雅位右
僕射

唐臨其兄皎俱有令名皎歷位吏部侍郎臨亦以文史著
稱為吏部尚書

王勃其兄勳俱稱以後父友考功員外郎杜易簡常稱
曰此王氏三株樹也勃為虢州參軍

賈敦實為涿州長史初敦實兄敦頤為洛州刺史其有惠
政百姓以樹碑于大市通衢及敦實去職復刻石頌其德
政立於兄碑之側故事人呼為棠棣碑焉

韋斌郇國公安石之子卑已修飾游心文藝其兄陟齊名
斌位至臨安太守

楊慎矜父崇禮太卿府二十餘年時議稱職及崇禮罷太
府玄宗訪其堪委其父任者宰臣稱慎矜慎餘慎名三人
皆勤恪清白有父風時慎矜為汝陽令有能名因召拜監
察御史知太府出納慎餘授太子舍人監京倉尋丁父憂
服闋累遷侍御史仍知太府出納慎名授大理評事攝監
察御史充含嘉倉出納使甚承恩顧慎矜在臺數年風格
甚高遷擢判御史中丞充京畿採訪使太府出納如故
盧爽黃門監懷慎之少子也其其兄奐齊名謹愿寡慾不
尚輿馬克已自勵開元中任京兆司祿參軍天寶初為鄆
縣令兵部郎中所歷有聲皆如奐之所歷

王之咸為長安縣尉其昆弟之漬之與皆善屬文
王維其弟縉皆才秀以詞學齊名維位尚書右丞

張知騫家于岐其兄知立知悔弟知秦知默勵志讀書皆
明經擢第位大理卿致仕

辛雲京河西之大族代掌戎旅兄弟數人並以將帥知名
雲京官至河東節度使

蔣洸為監察御史其兄演溶弟清俱以幹局吏事擅能名
於天寶中長史韓朝宗裴迥咸以推覆檢句之位委之處
事平允割斷精當動為群僚楷式

路敬淳其弟敬潛俱早知名敬淳位太子司儀郎

陸象先為太子少保弟景備為監察御史景融歷左右丞

工部尚書景猷屯田員外景喬庫部郎中皆有美譽僧一
行少時嘗其象先昆弟相善常謂人曰陸氏兄弟皆有方
行古之荀陳無以加也其為當時比稱如此

孫成幼涉學時兄宿降早知名位至貴州刺史

柳混初名載少孤志學工為文章其兄識齊名位至兵部
尚書平章事

吳通玄其兄通微俱博學善屬文詞彩綺麗通玄幼應神
童舉建中初策賢良方正等科通玄應文詞清麗登第皆
以文學知名同為翰林學士

蘇弁其兄冕皆以友悌儒學稱弁為杭州刺史

楊憑字虛受弘農人工文詞少負氣節其母弟疑凌友愛

皆有時名位京兆尹

韋紱授翰林學士其弟纁有清識與學為士林所器故其兄弟令稱推於一時

柳登字成伯右司郎中集賢學士芳之少子少嗜學其弟福建觀察使咸以該博著稱位右散騎常侍致仕

崔郾其兄邠等皆有令譽而郾疎財恢廓兄弟所不及位為浙西觀察使

馮定其兄宿皆有文學而定過之貞元中皆舉進士時人比以漢朝二馮君定位至工部尚書致仕

李景儉弟景儒景信景仁皆有藝學知名於時景信景仁皆登進士第

穆寧字贊質負賞質兄弟俱有令譽而當世以滋味目之贊俗而有裕為酪質美而多文為蘇負為醍醐賞為乳腐近世士大夫言家法者以穆氏為高寧位秘書監致仕

崔瑄弟珙琮環珣珙兄弟八人皆至達官時人借漢之荀氏號曰八龍

後唐李琪十三為賦頌舉進士擢第琪兄珽亦登進士第才藻富贍兄弟齊名琪位太子少傅致仕

劉昫字暉達涿州歸義人也兄暄弟皞俱有鄉曲之譽昫位平章事

趙光裔光逢之弟俱以詞藝知名登進士第光裔仕梁歷清顯官伯仲之間或以方雅自高比人聞其有 皆望風

欽重光裔位至平章事

任園京兆三原人祖清成都少尹父茂引避地太原奏授西河令有子五人曰圖曰園曰囟風彩俱異園位平章事周竇禹均有子五人儀儼侃偁僖皆擢進士第禹均任瀆州廉判將馮道贈詩云澶察竇中郎於家有義方靈椿一株老仙桂五枝芳

盧昌衡字子均小字龍子風神澹雅容止可法博淑經史工草行書從弟思道小子釋奴宗中俱稱英妙故幽州為之語曰盧家千里釋奴龍子昌衡位太子左庶子

唐虞世南初仕陳為西陽王友陳滅其先世基回長安俱有重名時方之陸新刊監本冊府元龜卷之七百八十三

新刊監本冊府元龜卷之七百八十四

總錄部三十四

壽考

洪範五福其一曰壽詩人之述黃耆易象之紀大耋皆其事也蓋夫民稟天地之中以生其札槎夭於中道而殞者不可勝數矣乃有鮑背覲莖皤皤華皓而筋力靡耗精爽不衰以至飾巾待期啓手無恨此乃康寧終命盡其天年者歟傳之所載八十曰耄百年曰期頤人之享年及於耄期誠足貴矣三代而下悉用論次其有百歲以上至數百歲者豈特稟異氣哉

周太公望呂尚者為太師佐武王伐商而王天下封於營

丘蓋太公之卒百餘年

衛武公年九十五警於國人曰苟在朝者無謂我老而舍我也必恪恭於朝夕以警我聞一言細志誦之以訓道敏丘人齊人也桓公見之曰叟言年數何如對曰臣年八十三公曰美哉壽也

老子周守歲室之吏也百有六餘歲或言二百餘歲以其修道而壽也

榮啓期年老白首衣弊服鼓琴自樂孔子問曰先生年老而窮何樂也啓期曰吾有三樂天生萬物以人為貴吾得為人一樂也人生以男為貴吾得為男二樂也人生命有殤夭吾年九十餘是三樂也貧者士之常死者人之終居

常以守終何不樂乎

唐祖魏人也年九十餘會齊楚約攻魏祖謂魏王曰老臣請西說秦令兵出可乎敬諾遂約車遣之見秦邊發兵救之漢東園公角里先生綺里季夏黃公四人年皆八十有餘鬚眉皓白衣冠甚偉惠帝為太子薛安車因使辨請來以為客班衣避地於樓煩當孝惠高后時以財助邊年百餘歲以壽終

伏生者

伏生名勝

濟南人故秦博士孝父欲求能治尚書者天

下無有聞伏生能治召之是時伏生年九十老不能行乃詔太常掌故晁錯往受之

張蒼為丞相免後口中無齒食乳女子為乳母妻妾以百

數嘗孕者不復幸年百餘歲乃卒

馮唐文帝時為車騎都尉景帝立以唐為楚相武帝即位求賢良舉唐時年九十餘不能為官迺子遂以為郎申公楚人武帝時以賢良遣使迎之至問治亂之事時八十餘

十餘

轅固生武帝時以賢良徵固已九十餘公孫弘武帝時為丞相御史大夫年八十終丞相位劉辟疆為光祿大夫守長樂衛尉時年已八十矣

蘇武為典屬國年八十餘神爵二年病卒

趙充國為後將軍甘露二年薨年八十六

夏侯勝為太子太傅年九十卒于官

韋賢為丞相致仕八十二薨係賞為大司馬車騎將軍十年八十餘以壽終

嚴君平蜀人卜筮於成都年九十餘遂以其業終蜀人愛敬之

貢禹為光祿大夫上書曰犬馬上之齒八十一乞骸及身散居鄉里死無恨矣

後漢樊重湖陽人貲至巨萬縣中推為三老年八十終郭伋為太中大夫卒時年八十六

嚴光建武十七年復特徵不至年八十終於家

郭州為司徒坐考隴西太守鄧融事無所據策免卒于家年八十七伏恭為司徒乞骸骨年九十

第五倫為司徒上疏及身卒年八十餘

馮魴為執金吾建初三年以老病及身帝許之其冬為五

更詔魴朝賀就列侯位元祉二年年八十六禮天子父事三左父事五更

魯恭為司徒以老病策免卒年八十一

郭躬習小杜律為郡法曹掾用法平年九十九卒

袁湯為太尉以災異策年八十六

薛包為侍中稱疾賜告歸年八十以壽終

王堂為汝南太守免歸家年八十六卒

李充為左中郎將年八十以為國三老安帝常特進見賜以几杖卒於家

樓望少習嚴氏春秋為左中郎將年八十永元十二年卒

於官

蔡順以至孝稱舉孝廉不能遠離墳墓遂不就年八十終

於家

楊統位至光祿大夫年九十卒

楊厚為侍中病免歸年八十二卒于家

胡廣為大博尚書侍事年已八十而心力克壯盛孔之荆州記曰菊

水出時芳菊被涯水極其香谷中皆飲此水上壽百二十七八十者猶以為大太尉胡廣所患症疾告休南滯常

飲此水後疾遂瘳八十三薨也

冷壽先年可百三十六歲行容成公御婦人法容成公能補尊之事

取精於玄札其要谷神不死守生養氣者也白復黑常屈

頸頰息頰音居大反詩曰有焦雅頰注曰頰雉也山

海經曰女兒之山多白頰郭璞曰似雉長尾鬚髮

盡白而色理如三四十時老死於江陵
計子勲者不知何郡縣人皆謂數百歲

唐虞魯女生者皆其華佗同時唐虞道赤眉張步家居里
落落若其相及死於鄉里不其縣魯女生數說顯宗時事
甚明了議者疑其時人也董卓亂後莫知所在

折象漢人能通鯨氏易好黃老卒年八十四

李郤為太尉策免年八十餘卒於家

廖扶汝南人郡公府辟召皆不就號北郭先生八十終於家
王真上黨人年且百歲視之面有光澤似未五十者

李尤少以文章顯為安樂年八十二卒

法真前後四徵終不降屈友人郭正稱之曰可謂百世之
師者矣乃共刻石頌之號曰玄德先生年八十九中平五
年以壽終

檀敷補蒙令以郡守非其人棄家去八十卒於家

董扶學圖讖為屬郡屬國都尉去官還家八十卒

張儉建安初徵為衛尉不得已而起儉曹氏世德已萌乃
闔門懸車不預政事歲餘卒于許下年八十四

華佗一名粵舉孝廉辟太尉府皆不就曉養性之術年且
百歲而猶有壯容時人以為仙其始東郭延年封君達三
人皆方士壽皆百餘歲及二百歲

陳寔為太丘令中平四年八十卒于家

楊彪為司徒免年八十四黃初六年薨

趙岐為太常年九十餘建安六年卒先自為壽藏

壽藏謂塚壙也

稱壽者取其少達之意也猶如壽府壽器之類家在今荊州右郢州城中圖季礼子產晏嬰叔

向四像居賓位又自畫其像居主位皆為贊頌

吳祐為河間相因自免歸家不復仕躬灌園蔬以經書數授年九十而卒

張皓為司空年八十三卒

魏田豫為衛尉稱疾乞遜位拜大中大夫食卿祿年八十

二薨

管寧累徵不至正始二年卒年八十四

胡昭居陸渾山中嘉平二年公特徵會卒年八十九拜子

篡郎中

焦光字孝然隱者也亡時年八十九矣

一日可百餘歲乃卒

扈累字仲伯京兆人初平中山東人有青牛先生者字正

方客三輔年似五六者人或親識之謂其已百餘歲矣累隨

方正游學嘉平中年九十病亡

張存至養志不仕學兼內外正始元年戴雋之鳥巢存至

門陰存志告門人曰夫戴伐陽鳥而巢門陰此凶祥也乃

授琴歌詠作詩二篇旬日而卒時年一百五歲

蜀孟光為大司農嘗直言無迴避為人所嫌後事坐免官

年九十餘卒

求敏以語言不節前後數貶削後主以敏為執慎將軍欲

令以官自警戒也年九十七景曜中卒

杜瓊字伯瑜少受學於任安精究安術後為太常年八十
吳士燮為交趾太守在郡四十餘歲黃武五年九十卒
呂岱為太司馬九十六卒子凱嗣遣令殯以素棺疏巾布
葵送之制務從約儉凱皆奉行之

晉太宰安平王孚泰始八年薨時年九十三

王祥字休徵為太保疾篤著遺令訓子孫曰夫生之有死
自然之理吾年八十有五啓手何恨

劉寔為司空薨時年九十一

鄭豪拜司空固辭以後就第薨時年八十五

石鑿元康初為太尉年八十餘克壯慷慨自遇若少年時
人美之

顏含為光祿勳致仕二十餘年九十三卒

何琦養志衡門不交人事前後徵辭皆不就年八十二卒

許孜元康中郡察孝廉不起布褐終身年八十餘卒于家

黃弘魏郡人為慕容暐太史灵臺詣署統捍殿以老歸家

善天文秘術年九十七卒

崔遊為氏池長以病免就家拜郎中卒年九十三

續咸真素好學荊州從事中郎沒於石勒年九十七死於

石季委龍之世

鮑靚為南海太守遠見仙人陰居授道訣百餘歲

戴祥吳末為臺史後托病不仕有神術年八十餘所占驗

者不可勝紀

陳訓歷陽人諫議大夫去職還鄉善占後年八十餘卒
丁潭為光祿大夫卒年八十

譙秀巴西人遭蕭敬叛亂避難石渠川中鄉人宗族憑依
者以百數秀年八十衆人以其篤老欲待之負擔秀拒曰
各有老弱當先营救吾氣力自足堪此不以垂朽之年累
諸君也後十餘年卒于家年九十餘

范粲陳留外黃人為太宰中訐後稱疾不出不言三十四
年卒年八十四

敦何畧陽人明究群籍特善史書張祚徵為太子反上疏
乞還年八十四卒

公孫永襄平人隱平郭南山年九十操尚不虧

單道開好山居後入羅浮山獨處茅茨蕭然物外年百餘
歲卒于山舍

宋纖不應辟命張祚徵為太子及遷太傅不食而卒年八
十二

後秦姚興時西胡梁國兒為鎮北將軍封平興男年八十
餘卒

宋傅隆為太常博學多通持三禮卒年八十三

營浦侯遵考高祖族弟元徽初卒年八十二

顧琛元徽中為員外常侍中散大夫卒時年八十六

劉鎮之閑居京口未嘗應召後以左光祿大夫徵不就元
嘉二年年九十餘卒于家

王玄謨為南豫州刺史加督性嚴刻少恩薨年八十一
裴松之字世真為國子博士致仕卒年八十

南齊徐伯珍隱居九嵎山家甚貧窶兄弟四人皆白首相
對時人呼為四皓建武四年卒年八十四

王琨為侍中卒年八十四

沈鱗字士雲貞吳興武康人隱居不仕卒年八十六

梁表昂為司空侍中夢時年八十

賀瑒為步兵校尉領五經博士天監九年遇疾卒于館時
九十

孫謙為零陵太守天監九年以徵為光祿大夫既至高祖
嘉其清潔甚禮異焉每朝見猶請劇自效高祖笑曰朕當

使卿智不使卿力十四年詔曰光祿大夫孫謙清甚有聞
白首不怠高年舊齒宜加優秩可給親信二十人并給杖
讓年踰九十強壯如五十者每朝會輒先衆到公門十五
年卒官時九十二高祖為舉哀甚悼惜之

顧思遠鍾離人新渝後暎為北徐州刺史徵還思遠挺義
行部伍中暎見甚老使人問對曰年一百一十二歲凡女
娶有子十二死亡略盡今唯小者年已六十又無孫息家
闕養之是以行役暎大異之召賜之食食兼於人檢其頭
有肉角長寸許遂命後舟載還都謁見夫子其之言往事
多異所傳擢為散騎侍郎賜以俸宅朝夕進見年一百三
十卒又並通中北侵攻穰城城內有一人年二百四十歲

不服能食穀唯飲曾孫婦乳聞文帝命勞之賜以求帛
荊州上津鄉人張元始年一百一十六歲膂力過人進食
不異至年九十七方生兒兒遂無影將士人人告別乃至
山林樹木處處履行少日而終時人以為知命湘東王愛
奇重異留其枕

後魏元法僧為太尉始元薨年八十三

裴安祖河東聞喜人州辟主簿年八十三卒于家

長孫嵩太武時為太尉北平王薨年八十

長孫道生太武帝時為司空上黨王薨年八十二

嚴校大武帝時為中山太守有清廉之稱年九十卒于家

寇讚為南雍州刺史讚在州十七年甚獲公私之譽年老

表求致仕負君九年卒年八十九

王憲為并州刺史及還京師以憲元老特賜錦綉布帛綿

線玃羞禮饁獻文帝天安初卒年八十九

李崇獻文帝時為北幽州刺史年八十一

刁雍晉人為特進征南大將軍領中書監高祖詔允議定

律令雖年漸期頤而志識無損猶心在舊職披考史書談

談舊事了無所遺十一年卒年九十八

蔚元太和十三年為司徒以年老致仕十七年七月元篤

病高祖親幸少疾年八月元薨時八十一

羅結代人為侍中年一百七歲精爽不衰後詔聽歸老賜

太東川以為居業並為築城即號曰羅侯城年一百二十

歲卒

梁祚為散令清貧守素不交勢貴年八十七太和十三年卒
王居闔人也高祖時累遷散騎常侍養老於家常食牛乳
如處子太和二十年冬卒時年九十

於明根高祖時為五更太和二十三年卒于家年八十二
亦宋代勤高祖末假寧南將軍除四州刺史卒年九十一
新興公丕仕六世七十位極公輔景明四年薨年八十二
傅永為平東將軍光祿大夫熙平元年卒年八十三

北齊侯莫陳相為大傅汾州刺史武平中薨于州年八十三
解律金為太師咸陽郡王天統三年薨年八十

後周寇雋為驃騎將軍保定三年卒時年八十二高祖嘆

惜之

熊安生字植之武帝宣政元年徵拜露門學博士下大夫
其時年已八十餘尋致仕卒于家

樂遜為東揚州刺史卒年八十二

張羨為司成中大夫卒年八十四

姚僧垣為太醫下大夫至隋開皇三年卒時年八十五

隋沈重吳興武康人仕梁為太帝卿後同大象二年來朝
京師開皇三年卒年八十四

裴政開皇中為襄州總管卒官八十九

楊慶字伯悅開皇中為儀同三司年八十九終于家

庾季才為太史中大夫藝術精通後免職以半祿歸第所

有祥異常使人就家訪焉仁壽三年卒時年八十八

公孫景茂大業初為淄州刺史卒官年八十七

柳儉大業末以上大將軍卒于家時年八十九

敬肅字弘儉大業末以前潁州郡丞終于家時年八十

唐裴矩貞觀初為民部尚書年八十二而精爽不衰

歐陽詢貞觀初歷太子卒更加銀青光祿大夫弘文館學

士封渤海縣男年八十餘卒

虞世南字伯施為秘書監後表請致仕優制許之仍授銀

青光祿大夫弘文館學士祿尋卒年八十一

褚亮為員外散騎常侍弘文館學士後致仕卒年八十八

丘和為時進貞觀十二年卒年八十六

傅弁貞觀中為太史令年八十餘卒於官

李伯藥貞觀中任宗正卿卒年八十五

張後裔貞觀中為國子祭酒致仕卒年八十三上為之輟

朝三日贈禮部尚書陪葬昭陵謚曰康

趙弘智高宗朝為國子祭酒崇賢館學士卒時年八十二

張道弘少遊名山得服食之術後居人間每金膏時年一

百四十六歲甄權精曉葬術為天下最初仕隋為秘書省

正字後稱疾免貞觀十七年權年一百三歲太宗幸其家

視其飲食訪以藥性因授朝散大夫

孫思邈京兆華原人世自去開皇辛酉歲生至今九十三

矣詢之鄉里咸云數百人話齊周間事歷歷如眼見以此

參之不啻數百人矣永淳元年卒

李客師衛國公靖之弟為冠軍人將軍總章二年卒時年

九十

許敬宗高宗詔為中書令冊拜太子以師久之抗表乞骸骨詔聽致仕加特進俸祿如舊及薨年八十一

丘行恭為右武侯大將軍請致仕拜光祿大夫卒年八十賈敦實為懷州刺史永淳初以年老致仕及病篤子孫迎醫視之敦實曰未見良醫能老不服葯垂拱四十時年九十餘

高智周永淳中為左散騎常侍卒年八十二

劉仁軌光宅初為文昌左相同鳳閣鸞臺三品卒年八十四

王及善為內史聖歷二年拜文昌左相旬日薨年八十二

唐休操景雲中為朔方道行軍總管薨時年八十六

蘇珣為太子賓客校檢詹事以老致仕卒年八十一

葉法善世為道士法善少傳符籙自高宗則天中宗睿宗殆五十年數語人禁中法善生隋大業之丙子死於開元之庚子年一百七歲

嚴善思為右散騎常侍年八十五卒善思父延為徐州長史子向為太常負外卿皆年八十五卒向兄宙為趙郡司馬長向十歲向卒時向並無恙

張果不知何許人也時人傳其有長年秘術自云數百矣王友身懷州河內人為太子中負舍制置時玄宗在東宮

表請禮徵之以年老邁辭疾不起年九十餘卒

王帝夷齊州滕人也孤貧好道嘗餌松柏葉及稊范散玄宗車宮巡勅州縣以禮徵召至駕前時年已九十六令中書令張訖旌以道義宮官扶入宮中其語甚悅授國子博士聽致仕尋壽終

李元愷博士善天文術未嘗言之年八十餘壽終
王遠知為道士年一百一十六歲

潘師正為道士師事王遠知永淳元年卒年九十八
司馬丞相字子微河內溫人為道士事潘師正傳其符籙及辟穀導引服餌之道卒于王屋山時年九十八
信安郡王禕天寶二年七月薨年八十餘玄宗聞而痛惜之

孫邈父嘉之進士擢第尤以書判拔萃授蜀州新津縣主簿曲周襄邑二縣令宋州司馬致仕卒年八十二

賀知章開元中為秘書監歸會稽壽終年八十六
裴遵慶為右僕射年九十餘終於位

王縉為相時元載用事縉紳附之元載得罪連坐貶處州刺史後至德宗登位徵為太子賓客東郡留守卒時年八十三

丘 為散騎常侍致仕年八十餘而繼母尚無恙

于邵貞元中終於江州別駕年八十一

郭子儀為尚父太傅中書令建中二年薨年八十五

蕭昕為太子少傅兼禮部尚書致仕貞元七年卒年九十一

常元貞元中為太子少師致仕卒時年八十三

嗣滕王湛然貞元中卒年八十四

歸崇敬貞元中為兵部尚書致仕卒時年八十八

張萬福貞元二十一年以左散騎常侍致仕元秘元年卒

年九十萬福自始從軍至卒祿食七十餘年未嘗一日病

趙宗儒為太子太傅拜疏請老詔以司空致仕年八十七

趙昌元和六年自工部尚書為華州刺史後辭於麟德殿

時年八十餘趨拜徑捷占對詳明憲宗退而嘆異宣命宰

臣密訪其頤養之道以奏焉

閻濟美為秘書監以年逾懸車上表陳乞授工部尚書致

仕寶歷元年歿于家年近九十

裴尚以吏部尚書致仕享年八十贈太子少保

張正甫以吏部尚書致仕卒年八十三

柳公度善攝主年八十餘步履輕便位至光祿少卿

柳公權為太子少師卒年八十八

王起為山東道節度使在鎮二年以老疾求代不許卒于

鎮時年八十八

後唐錢 為尚書令吳越國王薨時年八十一

馬縞長興四年為戶部侍郎縞時年已八十及為國子祭

酒十餘年形氣不衰

許寂授工部尚書致仕卜居于洛時寂已年高精彩猶健

冲淡寡言時獨語云可怪可怪人莫知其際卒時年八十餘

晉盧損為秘書監拜章辭及授戶部尚書致事退居潁川時李鑄年將八十善服氣導引損以鑄知遐壽有道術酷慕之仍以潁川逼城市乃卜居湯翟立隱舍誅茅種藥山衣野服逍遙於隱几之間出則乘車鶴自稱居茨山之人晚年與同遊五六人於大隗山中古官觀北疏泉鑿壑為隱所誓不復出山氣多寒被病而卒時年八十餘鬢髮不衰而有壯容

周孔知濟父延緘左武衛大將軍致仕年九十餘卒

李建崇歷河陽邢州兵馬番後漢初入為右衛大將軍年逾七十神氣不衰建崇始自代北事後廣武皇至是四十餘年前後所掌兵麾下部曲多至節鉞零落殆盡惟建崇

雖位不及藩辱而康強自過以至耆耄太祖即位授左監門衛上將軍廣順三年卒贈黔南節度使

晉蕭愿為太子賓客愿唐宰相倣之曾孫也倣入相接賓之次愿為兒童之戲倣謂客曰予豈敢得位市喜所幸奕世壽考吾今又有曾孫在目前矣愿年七十餘其母猶在一門壽考人罕及者

楊凝式為太子少師分司於各廣順中表求致政尋以右僕射得請顯德初故左僕射又太子太保並懸車以疾薨于第年八十五

